

第二十八冊

卷三十四

地理考十四

卷三十五

地理考十五

新纂雲南通志

盧漢題

簽



新
 嘉
 坡
 大
 學
 東
 亞
 研
 究
 所
 藏
 書
 印
 記
 一
 九
 八
 〇
 年
 十
 月
 十
 日
 啟
 印

新嘉坡大學東亞研究所
 圖書館藏書印記
 一九八〇年十月十日
 啟印

新
 嘉
 坡
 大
 學
 東
 亞
 研
 究
 所
 藏
 書
 印
 記
 一
 九
 八
 〇
 年
 十
 月
 十
 日
 啟
 印

新纂雲南通志卷三十四目錄

地理考十四

疆域六

歷代建置考釋三

爨部地理考證

六詔地理考證

南詔地理考證

十睽

七節度

二都督

大理國地理考證

八府四郡

三十七部

新纂雲南通志卷三十四

地理考十四

疆域六

歷代建置考釋三

爨部地理考證

爨本一姓爲南中望族始顯於蜀迄晉而盛統率建寧諸部族雄視一方自中國南北爭擾未暇治理南中爨氏日以坐大割據稱強史籍乃以爨爲部名又以爲種族名茲別詳爨姓始末於世系爨族始末於民族而考證爨族所散居之地理錄爲斯篇 爨部地理見於樊縉雲南志卷四曰 西爨白蠻也東爨烏蠻也當天寶中東北自曲靖州西南自宣城邑落相望牛馬被野在石城昆川曲軛普寧喻

獻安寧至龍和城謂之西爨在曲靖州彌鹿川升麻川南至步頭謂之東爨風俗名爨也「新唐書兩爨傳曰」自曲州靖州西南昆州曲軛晉寧喻獻安寧距龍和城通謂之西爨白蠻自彌鹿升麻二州南至步頭謂之東爨烏蠻」按新書當本樊志惟以曲州靖州屬西爨稍異耳茲釋所見之地名

（曲州靖州）

新唐書地理志曲州領朱提唐興二縣靖州領靖

川分協二縣其地即東晉之朱提郡元代之烏撒烏蒙今爲昭通會澤威寧畢節之地說詳隋唐州縣考釋樊志卷一曰「石門外第九程至魯望即蠻漢兩界舊曲靖之地也曲州靖州廢城及邱墓碑闕皆在依山阿竿路部落」按以路程考之魯望應在今會澤縣東北牛欄江附近今之魯甸或即其處新唐書烏蠻七部落阿竿其一也

蓋自曲州靖州以南即爲爨部地故樊志曰「即漢蠻兩界」也

(宣威) 宣城地理未獲考亦不知與曲靖州距離之遠近惟應

在禮社江流域以內蓋禮社江爲爨部極西南之地也

詳見下文

(石城) 石城即味縣爲南寧州都督府治說詳隋唐州縣考釋

樊志曰「初爨歸王爲南寧州都督理石城」又曰「爨崇道陰害歸

王歸王子守隅遂代爲南寧州都督」守隅非受朝命而稱都督蓋

襲父職以統領其衆知石城爲爨部所據册府元龜卷九五六曰「

西爨南寧之渠帥也」

(昆川) 昆川即昆州昆州治益寧在今昆明平原說詳隋唐州

縣考釋新唐傳「高祖以爨宏達爲昆州刺史」南詔德化碑有「昆

州刺史爨日進」舊唐張柬之傳有「昆州刺史爨乾福」以爨爲昆

州首領則昆州爲爨部所據也

（曲軛）

曲軛即唐之同起縣地今爲馬龍縣說詳隋唐州縣考
釋樊志曰「爨崇道理曲軛爲兩爨大鬼主」南詔蒙歸征爨崇道
師次昆川信宿而曲軛川潰諸爨由是離弱則當時爨之勢力以
曲軛爲中心也

（晉寧）

晉寧漢爲滇池縣地唐設晉寧縣即今之晉寧說詳隋
唐州縣考釋晉寧在南詔爲陽城堡三十七部之一也

（喻獻）

樊志以晉寧喻獻安寧爲次則喻獻當與晉寧安寧相
近樊志卷六「安寧鎮第三程至龍封驛去拓東城八日

按八字當誤

程漢

俞元縣故地也

疑喻獻即俞元之音字漢俞元縣在今澂江江川
通海之地說詳漢晉郡縣考釋而漢之俞元故地唐設絳縣其南設

梁水縣兩縣並屬黎州說詳隋唐州縣考釋樊志稱爨崇道失敗於
曲輓川南走黎川即黎州爨之勢力當南及黎州南詔德化碑有
黎州刺史爨祺又樊志卷七曰升麻通海以來諸爨蠻皆食安寧
井鹽通海即在黎州境爲爨部所居也

(安寧) 安寧漢爲連然縣即今之安寧縣說詳隋唐州縣考釋

樊志曰爨崇道弟日進日用在安寧城及章仇兼瓊開步頭路方
於安寧築城羣蠻騷動陷殺築城使者蓋安寧爲爨部之重鎮也

(龍和) 樊志卷一從安寧城至龍和館一日疑龍和即碌琫

之對音元史地理志祿豐縣曰因江中有石如甌俗名碌琫謂碌
爲石琫爲甌訛爲今名李元陽雲南通志曰祿豐古名祿琫甸白
村今爨語謂石爲魯竹籃爲奉甌與籃形相似也龍和即今祿豐

爨部之西境也

(彌鹿川)

彌鹿川應在升麻之北未獲詳考惟樊志卷一曰

過魯望第七程至竹子嶺嶺東有暴蠻部落西有盧鹿蠻部落第八程至生蠻磨彌殿部落此等部落皆東爨烏蠻種也新唐傳烏蠻部落亦有暴蠻盧蠻磨彌斂三部此三部應在曲州靖州與升麻之間彌鹿或即磨彌盧鹿之省稱也

(升麻川)

升麻即漢之牧靡在今嵩明尋甸說詳隋唐州縣考

釋樊志曰

爨歸王爲南寧州都督襲殺蓋騁蓋啟父子新唐傳曰東爨首領遂有

升麻州

唐玄宗敕「昇麻縣令孟聘卿」按昇即升孟即蓋字之訛

升麻亦爲爨部所領之地也

(步頭)

樊志稱爨部南至步頭蓋其極西南境元史地理志臨

安路建水州曰「古稱步頭亦曰巴甸」法國沙畹以爲步頭在今臨

安北之通海縣治見伯希和引惟按樊志步頭在通海城南十四日程則步

頭不應在通海或建水蓋元志誤以巴甸爲步頭之對音沙畹用元

志說而誤法國伯希和交廣印度兩道考曰「步頭即賈勇步」賈耽

作古湧步然與樊志文亦不相合蓋步頭與賈勇步並爲入安南船

行之起點而非在一處也 樊志卷六安寧鎮曰「通海城南十四

日程至步頭船行沿江三十五日出南蠻夷人不解舟船多取通海

城路賈勇步入真登州林西原取峯州路」所謂通海城路者即自

賈勇步船行在今蒙自南部之蠻耗伯希和已釋如此而賈勇步水程二十五日

自步頭則三十五日較賈勇步多十日步頭當在賈勇步上流十日

紅河沿岸以地理考之應即今元江附近景泰雲南志元江府山川

曰「元江昔羅盤甸蠻築城於此」蓋其處也 按步頭船行可至安

南惟土人不經步頭而至賈勇步始乘船者蓋賈勇步上流十日程

道險難行

今自元江至蠻耗亦有船行者

未必不解船也

樊志所紀爨部地理所謂西爨自石城昆川曲軌晉寧安寧至龍和其境由東而西又自曲靖州彌鹿川升麻川至步頭則由東北而西南此區域中當時爲爨部之地

爨部所居猶可見於其他紀錄者南詔德化碑曰「竹靈倩置府東爨路通安南賦重役繁政苛人弊被南寧州都督爨歸王昆川刺史爨日進黎州刺史爨祺求州爨守懿螺山大鬼主爨彥昌南寧州大鬼主爨崇道等陷殺竹靈倩兼破安寧」所舉爨部首領求州螺山爲樊志所未詳又賈耽從邊州入四夷路程曰「古湧步至湯泉州

祿榮州龍武州皆爨安南境也。自古湧步以北爲爨境。樊志亦未詳。又新唐兩爨傳曰：「烏蠻分七部落：一曰阿竿路，二曰阿猛，三曰夔山，四曰暴蠻，五曰盧鹿蠻，六曰磨彌斂，七曰勿鄧。」此七部落之阿猛夔山，勿鄧樊志亦無明文。凡此並考其地理。

(求州) 求州在今武定。元謀祿勸說詳隋唐州縣考釋。石城曾盟碑稱「求州首領代連弄等」。則求州地名宋初猶用之。在三十部中爲較著者。其地接昆州。

(螺山) 螺山爨彥昌當即樊志之爨彥璋。王崧爨世家曰：「一作爨彥徵。」按唐玄宗敕爨彥徵爲姚州首領。左威衛將軍。則螺山在姚州境。惟不獲詳考也。

(古湧步至龍武州) 賈耽記曰：「從古湧步至湯泉州百八十

里又至祿榮州五十里又至龍武州十五里一則不過三日程又自龍武至通海則五日程以此考之龍武應在今開遠縣即唐初黎州以南之境也 此區域在南詔時代屬雲南樊綽雲南志卷一賈勇步下曰「大中初悉安南管係其刺史並委首領勾當大中八年經畧使苛暴川洞離心疆內首領旋被蠻賊誘引數處陷在賊中」按此指賈勇步以南之地而賈勇步以北至黎州漢爲西隨縣後爲爨部所領惟唐初則未設縣也

(阿猛夔山) 此兩部之位置即在石門外樊志卷一曰「石門外第二程至牛頭山第五程至生蠻阿部落第七程至蒙夔領第九程至魯望」上文已證魯望在牛欄江上則蒙夔嶺應在今昭通疑阿猛夔山二部省稱蒙夔嶺蓋蒙與猛爲音字昭通在元以前爲烏

蒙部烏蒙或即阿蒙之音字樊志以魯望爲蠻漢兩界惟魯望北仍有烏蠻部落也又新唐書兩爨傳隋置恭州協州昆州其地爲爨部恭州即曲州協州在其北即今鎮雄威信彝良大關鹽津綏江之地說詳隋唐州縣考釋則曲州靖州以北亦有爨部之地也

此外如夔鹿弄川

今陸良東北即曲靖南部

新豐豆川

今路南宜良及陸良南部

隴隄

今師宗

泉麻

今華寧彌勒

之地並與

上文所述爨部居住之地相接且後多爲三十七部地則當爲爨部

所領 如上考證唐初之協州曲州靖州郎州昆州鈎州黎州求州

爲爨部所居即東晉之南廣朱提建寧晉寧梁水等郡而後之三

七部在建寧晉寧梁水又烏撒烏蒙在廣南朱提樊志之東西爨似

限於建寧晉寧梁水之地也在此區域之爨何以東西稱之其意未

甚明瞭袁嘉穀演繹曰「東爨治建寧西爨治晉寧」然樊志石城昆

川並爲西爨南詔德化碑則稱章仇兼瓊置府東爨又稱東爨殺歸王按築城在安寧殺歸王者爲爨崇道居曲軛則樊志所謂之西爨即南詔碑之東爨也 而樊志之所記地名西爨自東而西東爨自北而南足見不以地理之方位分阮福爨龍顏碑跋曰「曲州靖州等處今已在雲南省治之東唐時謂之西爨然則東爨當在今貴州興義普安等地」此不考史之謬也

六詔地理考證

新唐書南詔傳曰「其先渠帥有六自號六詔曰蒙雋詔越析詔浪穹詔澄賧詔施浪詔蒙舍詔兵埒不能相君」樊綽雲南志卷三曰

「六詔又稱八詔」較新唐多二詔與新唐傳同

按新唐傳當本樊志而又不及白崖劍川二詔耳

惟資治

通鑑

開元二十六年

引資治雲南別錄稱

「六詔曰蒙舍曰蒙越曰越析曰浪穹

曰樣備曰越澹」與諸家異然名稱雖不同其地理應一致茲考證
如次

（蒙舍詔） 樊志卷三曰「蒙舍詔居蒙舍川在諸部落南故稱

南詔也」又卷五曰「蒙舍川去龍口一日程川中水東南與勃弄川

合流」按賈耽從邊州入四夷路程曰雲南城八十里至白崖又七

十里至蒙舍城又八十里至龍尾城」是知蒙舍距白崖龍尾並一

日程白崖即勃弄今鳳儀縣之紅崖龍尾即今大理縣之下關則蒙

舍應在今之蒙化元史地理志大理路曰「蒙化州本蒙舍城」其說

是也今蒙化陽瓜江與紅崖赤水河會為禮社江即樊志所謂蒙舍

川中水與勃弄川合流者也惟樊志之龍口當為龍尾之誤

龍口即今大理之上關

（蒙嶠詔） 樊志卷三曰「蒙嶠一詔最大」又卷五曰「蒙舍北

有蒙嶠詔即楊瓜州

按一作楊瓜州

也同在一川「按所謂「同在一川」即同在

一平原而蒙嶠在蒙舍之北故疑蒙舍在今蒙化城蒙嶠則今蒙化北部之地樊志稱蒙嶠爲最大則今蒙化西北之漾濞亦應爲蒙嶠地蓋其他五詔所領不過數十里而蒙嶠詔獨廣也竇滂雲南別錄無蒙嶠詔有樣備詔疑樣備即蒙嶠因在漾濞江上得名樣備即漾濞音字也漾濞江之名已見於劉肅大唐新語即今之漾濞也 楊慎演載記諸葛元聲演史畧王崧本南詔野史並釋蒙嶠詔在四川建昌蓋因建昌古爲越嶲郡地與蒙嶠之名相近而妄釋之非有所本也

(澄睽詔)

樊志卷三曰

「浪穹詔豐時豐咩兄弟俱在浪穹後

豐咩襲澄睽居之由是各爲一詔」又卷五曰「澄川城舊澄川也南

去龍口十五里初望欠部落居之後浪穹詔豐咩襲而奪之則澄
睽即澄川在龍口北十五里龍口即今大理上關澄睽應即今鄧川
也元史地理志大理路曰「鄧川州在本路北夷有六詔澄睽其一
也蒙氏襲而奪之後改德源城」李元陽雲南通志曰「德源城在鄧
川州治東唐六詔時有澄睽詔居之」則澄睽詔在今鄧川平原也
竇滂雲南別錄有越澹詔無澄睽詔疑越澹即澄睽也按廣韻睽
吐濫切澹徒濫切並在闕韻聲紐透定亦相近則睽澹爲音字又越
澄字形近疑傳鈔者因澄字少見而誤

(浪穹詔)

浪穹地理樊志無明白紀錄惟浪穹詔主分據澄睽
其地當相近諸葛元聲滇史畧曰「浪穹澄睽相去止十五里」又樊
志浪穹詔主鐸邏望與南詔戰敗以部落退保劍川則與劍川亦

相近且應在劍川之南元史地理志大理路鄧川州曰「浪穹乃浪穹詔所居之地」則元代沿用舊名以爲縣明清因之今已改爲洱源縣在鄧川之西北南詔德化碑曰「贊普今見觀豐浪穹」又曰「差首領楊利口等於浪穹參吐蕃御史論若贊」即此地也

（施浪詔）

樊志卷五曰「澄川城初望欠

按施浪詔主

部落居之後浪穹

詔豐畔襲而奪之」自後施望欠遷至何所樊志無明文惟當距澄睽不遠樊志稱「浪穹澄睽施浪總謂之浪人故曰二浪詔」又稱「

南詔既破劍川盡獲施浪部落二浪悉平」可見施浪與澄睽浪穹

地理相近也按樊志「澄川城東北有史郎川」史郎音與施浪相近疑今鄧川城東北之青索鄉明設巡檢司於此 楊慎滇載記曰「

施浪詔今浪穹縣蒙次和之地」李元陽雲南通志卷二「蒙次和山

在浪穹縣治東北四十里三面險峻一面臨河六詔時施浪詔居焉
「此說蓋因樊志載「施浪詔望欠與澄睽詔豐畔同伐蒙歸義敗潰
退保矣苴和城」矣苴和與蒙次和之音近故認爲一地然樊志又
曰「歸義稍從江口進兵脅其部落無幾施望欠衆潰僅以家族之
半西走永昌」則矣苴和城在江口不應在浪穹東北四十里而青
索鄉則適在洱源河口也 王崧本南詔野史釋施浪詔在曲靖然
曲靖在當時爲西爨根據地豈有施浪詔遠在其處之理 又竇滂
雲南別錄無施浪詔有蒙越詔不識爲一地而異名否

（越析詔） 樊志卷三曰「越析詔亦謂之蒙些詔部落在賓居

舊越析州也去囊葱山一日程」又卷五曰「渠斂趙東北至毛郎川
又東北至賓居湯又北至越析州磨些詔故地也」按樊志卷一「渠

斂趙至龍尾城三十里」則其地爲趙州即今之鳳儀鳳儀東北有賓居街在賓川縣城西南則越析州應爲今賓川城也又樊志卷二

「囊葱山在西洱河東隅河流俯齧山根面對賓居越析山」是囊

葱山即今洱海東南隅上下和村之山距賓川一日程越析詔即在

今賓川地一名磨些詔者蓋以人種稱之唐代磨些所居以今四川

鹽源鹽邊爲根據地後漸移殖於其西部以至麗江亦有移而南至

賓川之部落然爲南詔皮羅閣所征伐復渡瀘而北也按見南詔碑及樊志樊志

記越析詔之地理最爲明白然自元史地理志以後釋者謂在今麗

江蓋因麗江有磨些民族然古代地理豈能隨民族遷徙而釋之也

(附)白崖劍川二詔)樊志卷二曰「六詔又稱八詔蓋白崖城時

傍及劍川矣羅識二詔之後」又曰「時傍母蒙歸義之女其女復妻

閣羅鳳按從聚珍本校初咩羅皮按遼昭主既敗時傍入居澄川招誘上浪按上浪疑三浪之誤得數

千戶後為閣羅鳳所猜遂遷居白崖城及劍川羅識按疑當作矣羅識與神川都

督言語交通時傍與其謀俱求立為詔謀洩時傍被殺害羅識北走

神川神川都督送羅些按疑二字衍一城按疑二字衍按時傍當與澄睽詔有關而羅識

即矣羅識異牟尋與韋皋書稱浪人利羅式疑浪穹詔主偏羅矣之

子二人謀立詔未成按樊志卷七稱白崖詔與六詔不侔也

(附)石橋石和二詔) 樊志卷三曰「開元元年中按疑衍一元字蒙歸義攻

石橋城閣羅鳳攻石和亦入詔之數也」又曰「閣羅鳳據石和城俘

施各皮按又曰「閣羅鳳攻石橋城擒施谷皮」當是一事按南詔德化碑曰「先王按蒙歸義即皮羅閣統軍打石橋城

差詔按閣羅鳳與嚴正誨攻石和城父子分師兩殄兇醜」即謂此事石和

者樊志卷五曰「渠斂趙白崖有石和城」則其地在今鳳儀城西即

飛來寺附近李元陽雲南通志「趙州唐城在州南十九里」若然則

石和城應在今華藏寺附近也 石橋城者樊志卷二曰「玷蒼山

按新唐南詔傳作點蒼山南白石橋北抵登川按即道川長一百五十里」則石橋在點蒼山之

南端即今之天生橋在龍尾關西五里絕壑深塹石梁跨之西洱河

流經其下激水濺珠有不謝梅之稱石橋城蓋在其附近故以為名

以上考證六詔地理並在洱海附近即漢之邪龍雲南葉榆三縣之

地南詔既併五詔即於其地置十睽前人釋蒙嵩在建昌施浪在曲

靖越析在麗江然南詔初興征伐五詔為其隣境豈能遠在千里外

况樊綽雲南志所載亦最明白也胡蔚本南詔野史曰「六詔之地

東西四千里南北二千九百里」又王崧本曰「六詔之地東西三千

里南北四千六百里」既不考史各逞臆說不足為信

南詔地理考証

南詔興於蒙舍至皮羅閣服河蠻併五詔有西洱河附近之地唐封
為雲南王撫馭種落會南寧爨部與唐為敵皮羅閣助唐破爨諸爨
因是離弱南詔日以驕大至閣羅鳳忿怨邊吏楊國忠黷武貪功南
疆烽火唐兵數敗死二十萬之衆於瀘南閣羅鳳乘勝攻陷嵩州會
同招降尋傳部落築城拓東置鎮銀生異牟尋復敗吐蕃於神川收
其城壘十六疆土四擴雄視一方德化碑述其隆運曰「西開尋傳

祿邨出麗水

按伊洛瓦底江

之金山北接陽山

按陽蓬嶺在嵩州南

會川收瑟瑟之寶南荒

按指拓南城以下之區域

湊湊覆詔願為外臣東爨悉歸步頭已成內地建都鎮塞銀生於黑

觜

按指白夷

之鄉候隙省方駕憩於洞庭

按指滇池

之野

疆理若此非徒誇飾也

新唐書南詔傳亦載其境域曰「東距爨東南屬交趾西摩伽陀

按見西域傳在

恆河之南西北與吐蕃接南女王按唐會要卷九九西南驃北抵益州東北際黔

巫一則其境西抵印度南及於海樊志卷六之銀生城越禮城所載

亦如是張道宗記古滇說集稱一魁羅覺按皮羅閣在位永昌諸郡緬暹羅

大秦西通之國交趾八百真臘占城搗國南通之國俱以奇珍金寶

鹽錦氈布琿瑊巴貝歲進於王按地名有明人竄故此即德化碑所謂之願為外

臣者至於本境則有十睽七節度二都督之設異牟尋又封五嶽四

瀆以點蒼山在今大理為中嶽烏龍山在今祿勸為東嶽蒙樂山在今景東為南嶽高黎貢

山在今騰衝為西嶽玉龍山在今麗江為北嶽又以金沙江黑惠江瀾滄江潞江為

四瀆按見滇載記及南詔野史祀祠巡狩後雖服於唐受封朝貢亦乍臣乍叛稱強於

一隅自天寶以後約百五十年在此疆域之治理為留心滇史者

所欲知然紀錄未詳所見片斷資料亦苦無確解後之釋者則以今

地名音近附會不可憑信茲以所知者彙而釋之有不能確定者缺之以待後之君子補苴糾繆也

十睽

樊綽雲南志卷五有六睽曰「太和陽苴咩謂之陽睽大釐謂之史
睽澄川謂之睽睽蒙舍謂之蒙舍睽白崖謂之勃弄睽」按標題六
睽此所列止五睽當有誤脫又樊志引韋齊休雲南行記「有十睽」
惟其書已亡不獲考十睽之名新唐南詔傳亦有十睽曰「雲南睽
白崖睽亦曰勃弄睽品澹睽澄川睽蒙舍睽大釐睽亦曰史睽苴咩
睽亦曰陽睽蒙秦睽矣和睽趙川睽」較樊志爲多且言之確切當
有所本胡蔚本南詔野史即從新唐傳說惟校曰「別本按別本野史十睽無
大釐澄川蒙舍雲南品澹蒙秦矣和等七睽有義督威遠河東越睽

北方樓頭路臉等七臉」與新唐傳大異按樊志及新唐傳每見稱
臉之地名則南詔設臉當不止六或十惟六臉或十臉即在南詔都
城附近爲南詔王直轄之區故特著稱耳 又按臉字樊志作臉而
散見於各卷者則多作𦉑或𦉑廣韻𦉑力臉切臉居奄切𦉑失冉切
又吐濫切𦉑吐濫切又杜覽切凡此讀音韻部相近聲讀不同樊志
「臉者州之名號」新唐傳「夷語謂臉爲州」則臉臉𦉑𦉑並爲譯音
字雖異形而音讀不宜參差若是元史地理志及景泰雲南志諸書
大都作𦉑又作甸今滇西尙通用甸字爲地名當古昔相沿蓋夷語
謂州若甸音字作𦉑亦作臉後以形近誤爲臉或臉致音讀不能相
通今以臉爲正下文所引原作臉作臉作𦉑者並改爲臉不作校語

也

十睽之位置多見於樊志及新唐書地理志所記路程最爲明白樊志卷一曰「雲南驛至波大驛一日至白崖驛一日至龍尾城一日至陽苴咩城一日」又曰「雲南城至波大驛四十里至渠藍趙館四十里至龍尾城三十里至陽苴咩城五十里」新唐地理志戎州下曰「雲南城八十里至白崖城又八十里至龍尾城又四十里至羊苴咩城賈耽從邊州入四夷路程曰「雲南城又八十里至白崖城又七十里至蒙舍城又八十里至龍尾城又十里至太和城又二十五里至羊苴咩城」凡此記從雲南城至陽苴咩之路程站口或不一里數亦或不同然大體一致當本親歷其地者之記錄也此路程所記僅五睽其餘五睽亦在其附近茲分釋之如次

（雲南睽）

當在雲南城爲漢雲南縣故地即今之祥雲縣之雲

南驛也樊志卷六曰「雲南城天寶中閣羅鳳所規置也嘗為信州

地城池郭邑皆如漢制州中南北二十餘里東西四十五里帶邑及

過山雖有二千餘戶田疇多廢閭里人少諸葛亮分永昌東北置雲

南郡按雲南郡蜀建興三年置斯其故地也按今祥雲縣城之平原甚廣樊志所謂南

北二十里東西四十五里當為今之雲南驛李元陽雲南通志曰「

雲南廢縣在縣治東南」即在雲南驛樊志路程雲南城亦稱雲南

驛則地名沿用至今也樊志又曰「雲南東第一程有欠舍川按卷十附錄作吹舍川亦

距雲南城二日程第三程至石鼓驛第四程至曲驛漢舊覽州」按欠舍今鎮南從元

地理說覽州今楚雄詳見隋唐州縣考釋自雲南驛去二日四日程與今相合元史地

理志「雲南州唐以漢縣置郡蒙氏至段氏並為雲南州」州即睽也

景泰雲南志「雲南縣先為睽後改為州」道光雲南通志曰「舊雲

南城在今雲南縣南八十里安南坡。按安南坡在山嶺無平原且道光志以今雲南縣爲波大驛樊志雲南城距波大驛只四十里不能遠至八十里也。

(品澹睽)

樊志卷六曰：雲南城西隔山有品臉睽亦名清字

川嘗爲波州大池遶山長二十餘里波州廢地在池東南隅故渭北節度段子英此州人也故居墳墓皆在。按品臉當讀爲品睽因其地稱睽複一睽字而改上睽字作品臉睽其不作品睽臉者可證臉即睽之誤也品睽與品澹爲音字亦猶樊志澄睽詔竇滂雲南別錄作越澹詔睽作澹與此同。品睽在雲南城西隔山今自雲南驛西北至祥雲縣城品睽應在其地元郭松年大理行記曰：雲南州西北十餘里又西行三十餘里至品甸甸中有池名清湖灌溉之利達

於雲南之楚湖西官道中有石焉紋如古篆號曰地符行人謹避莫敢踐之又山行三十里至白崖甸此品甸即品睽今之祥雲湖即今青龍湖地符即今曬經坡也又品睽應爲樊綽路程所記之波大驛李元陽雲南通志建置志雲南縣有波大舖次於縣前舖當在城附近也道光雲南通志曰「今雲南縣城即舊品甸即品澹睽亦曰品睽亦曰波州亦曰波大驛皆一地也」所說甚是

（白崖睽）

樊志卷五

白崖城在勃弄川依山爲城高十丈四

面皆引水環流惟開南北兩門南隅是舊城周迴二里東北隅新城大曆七年閣羅鳳所築也周迴四里城北門外有慈竹聚大如人脛高百丈餘城內有閣羅鳳所造大廳修廊曲廡廳後院橙枳青翠俯臨北墉舊城內之池方三百餘步清平官以下官給分田悉在南詔

親屬亦住此城傍其南二十里有蠻子城閣羅鳳庶弟誠節母子舊居也。按以路程考之白崖城即在今鳳儀之紅崖平原紅崖在清代尚稱白崖後因避白字而改名今紅崖有古城村又有白王山即白崖城故地也白崖以南二十里今已屬彌渡縣

（趙川睽）元史地理志大理路趙州曰「蒙氏立國有十睽趙

州睽其一也皮羅閣置趙郡閣羅鳳改為州」景泰雲南志曰「趙

州即趙川睽也與白崖雲南二睽接壤」則趙川睽即趙州今已改

名鳳儀縣以樊志路程考之趙川睽即渠藍趙按距龍尾城三十里樊志卷五「渠

斂趙按斂即藍之音字本河東州也詳見隋唐州縣考釋州中列樹夾道為交流封邑連蔓溝塍

彌望大族有王楊李趙四姓皆白蠻也云是沮蒲州人遷徙至此因

以名州焉

(蒙舍睽) 蒙舍睽當即蒙舍詔故地今之蒙化說詳六詔地理考證蓋南詔遷都後即以其故地爲睽也

(蒙秦睽)

蒙秦當即蒙嶠秦與嶠字音相近樊志卷五「蒙舍

北有蒙嶠詔即楊

按一作陽

瓜州也同在一川地氣有瘴肥沃宜稻又有大

池周迴數十里多魚及菱芡之屬「蒙嶠在今蒙化北部及漾濞之

地說詳六詔地理考證

(苴咩睽)

新唐傳「苴咩睽亦曰陽睽」蓋因城名苴咩故省稱

之樊志「太和陽苴咩謂之陽睽」則太和城亦屬苴咩睽也陽亦作

羊當是音字苴咩亦音字苴壯大之義說詳趙式銘滇志辨略苴字

解新唐南詔傳曰「王都陽苴咩城」樊志卷五「蒙歸義男等初立

太和城以爲不安遂改創陽苴咩城」又曰「陽苴咩城南詔本衙門

上有重樓左右又有階道高二丈餘甃以青石爲磴樓前二三里南
北城門相對太和來往通衢也從樓下門行三百步至第二重門門
屋五間兩行樓門相對各有榜并清平官大軍將六曹長宅入第二
重門行三百步至第三重門門列戟上有重樓入門是屏牆又行一
百餘步至大廳階高丈餘重屋製如蛛網架空無柱兩邊皆有門樓
下臨清池大廳後小廳小廳後即南詔宅客廳在樓外東南二里館
前有亭亭臨方池周迴七里水深數丈魚鼈悉有 按城之大縱橫
各約四里而城內悉爲宮殿及王府足見南詔都城之宏偉樊志及
新唐志所記路程陽苴咩在龍尾北約四十里則爲今之大理城而
大理城周不過十里其全面積爲宮殿然已無階高丈餘池方七里
之遺址也 苴咩睽所屬有太和城樊志曰 太和城北去陽苴咩

城一十五里巷陌皆壘石爲之高丈餘連延數里不斷城中有大碑閣羅鳳清平官王蠻利之文論阻絕皇化之由受制西戎之意按此碑今在大理城南十五里之太和村亦名草帽街即古之太和城也賈耽路程太和南十里爲龍尾城樊志曰龍尾城閣羅鳳所築縈抱玷蒼南麓數里城門臨洱水下河上長橋百餘步過橋分三路直南蒙舍路向西永昌路向東白崖路按龍尾即今大理之下關猶有故城遺址出關分三道今仍通行南詔築城當屬苴咩城也

(大磴談)

樊志卷五曰大磴城南去陽苴咩城四十里北去

龍口城二十五里邑居人戶尤衆盛羅皮

按閣羅鳳之誤

多在此城并陽苴咩

并遼川今並南詔往來所居也家室共守五處如一東南十餘里有舍利水城在洱河中流島上四面臨水夏月最清涼南詔常於此城

避暑」按大輦亦曰史睽李元陽雲南通志曰「史城在城北四十里隋史萬歲巡西洱河駐此」李蓋以史字解說未必可信然自昔有史城今音變史爲喜即喜洲在今大理城北四十里上關南二十五里當即大輦城故地也

（澄川睽）

樊志卷五「澄川城舊澄川也南去龍口十五里城

依山足東距瀘水北有泥沙自閣羅鳳及異牟尋皆填固增修最爲名邑」按澄川城應在今鄧川縣當即澄睽詔故地說詳六詔地理考證

（矣和睽）

矣和睽當即矣苴和城爲施浪詔故地在今鄧川城

北之青索說詳六詔地理考證

上文所釋十睽其地在西洱河附近爲閣羅鳳時代合併六詔之故

地南詔以爲根據而後擴張領土故後雖設睽於各地分屬節度或都督而此十睽則直屬於南詔王別爲一特別區焉

（附南詔野史別本之十睽）

胡蔚所稱別本野史之十睽其地

名同於新唐傳所舉者僅苴咩趙川白崖三睽餘則相異而多錯誤雖亦設睽然非在十睽之數分釋如次一義督睽一元史地理志鶴慶路曰「段氏改劍川爲義督睽」則段氏始爲睽南詔則設節度使於其地也一河東睽一當即河東州又名趙州即趙川睽野史既列趙川又有河東睽複出也一威遠睽一元威楚開南路有威遠州胡蔚以爲威遠睽故地然元史地理志曰「蒙氏興開威楚爲郡而州境始通」則其地屬銀生節度未必設睽也一越睽一越睽之名每

見於樊志如卷七「馬出越睽川東面」犀出越睽高麗

按高麗貢山

卷二

「高黎貢山自永昌之越睽途經此山」則越睽即今騰衝

見元史地理志

南詔

設睽當隸永昌節度也。北方睽。李元陽雲南通志曰：「北勝州

南詔異牟尋始開其地名北方睽又名成偈睽」則其地在今永勝

縣。樓頭睽。元史地理志麗江路永寧州昔名樓頭睽。即今之

永寧土司地按北方睽與樓頭睽並與鐵橋節度近當隸於鐵橋節

度也。路睽。元史地理志威楚路曰：「廣通夷名爲路睽南詔閣

羅鳳曾立路睽縣」即在今廣通縣當隸銀生節度。凡此七睽或

重出或距苴咩遠雖稱睽不應在十睽之數若南詔境內設睽者此

七睽外尙有斂尋睽施睽穹睽大睽諾睽覽睽寧睽申睽次睽等並

見於樊綽雲南志其不可考者猶不少焉蓋南詔設治節度以下有

睽因不能詳知故釋節度地理不考其設睽也

七節度

新唐書南詔傳「有六節度曰弄棟永昌銀生劍川拓東麗水」通鑑元和十一年注引程大昌說同惟樊綽雲南志卷五曰「雲南拓東永昌寧北鎮西及開南銀生等七城則有大軍將領之亦稱節度貞元十年掠吐蕃鐵橋城今稱鐵橋節度其餘鎮皆分隸焉」則有八節度且僅永昌銀生拓東三節度與新唐同惟疑寧北即劍川鎮西即麗水雲南即弄棟而開南銀生初設二節度後合爲一則六節度之名雖異其實一也胡蔚本南詔野史「有八節度曰弄棟節度使曰銀生節度使曰永昌節度使曰麗水節度使曰劍川節度使曰東川節度使曰通海節度使曰拓東節度使」則六節度使外尚有東川海通兩節度惟疑此以新唐傳之二都督視爲二節度又誤會

川爲東川耳南詔之設節度新唐傳記之最爲明白茲以新唐傳之節度爲主分釋如次

〔弄棟節度〕 樊志卷六曰「弄棟城在故姚州川中南北百餘里東西三十餘里廢城在東崖山上當川中有平崖周迴五六頃新築弄棟城其上管雜蠻數部落悉無漢人姚州百姓陷蠻者皆被移隸遠處」按弄棟漢爲縣唐初設姚州都督即在今姚安說詳漢晉郡縣及隋唐州縣地理考釋天寶後爲南詔所據以其地設弄棟節度樊志卷四「獨錦蠻之女爲異牟尋妻有子委負監貞元十年爲大將軍在弄棟川爲城」新唐傳「勸龍晟立元和十一年爲弄棟節度蒙嵯巔所殺立其弟勸利」此弄棟節度使之可考者 弄棟與雲南城接壤故節度亦駐雲南樊志卷十附錄記袁滋使南詔路程

曰「雲南節度將五十匹馬來迎到雲南城」疑即弄棟節度也不然
雲南與弄棟距不過數十里何至設兩節度且雲南爲十睽之一直
屬南詔王不至再設節度樊志稱雲南設節度而無弄棟節度亦可
見雲南節度即弄棟節度也

（永昌節度）

樊志卷六曰「永昌城古哀牢地在玷蒼山西行

六日程」賈耽路程亦曰「自羊苴畔城西至永昌故郡二百里」是

知永昌城即在東漢所設永昌郡故治今之保山縣也樊志卷二「

蘭倉江南流入海龍尾城西

按卷五龍尾城
向西永昌路

第七驛有橋即永昌也」又「高

黎共山在永昌西下臨怒江」是知永昌在瀾滄江之西怒江之東
其節度所管轄當永昌郡故地也

（銀生節度）

樊志卷六曰「銀生城在撲睽之南去龍尾城十

日程東南有通鐙川又直南通河普川又南通羌浪川卻是邊海無人之境也東至送江川南至邛鵝川又南至林記川又東南至大銀孔又南有婆羅門波斯閣婆勃泥崑崙數種南詔德化碑盛稱疆土之廣亦曰「建都鎮塞銀生於黑背之鄉」蓋因銀生可通至極西南之地也 樊志卷六一「開南城在龍尾城南十一程

按卷五白崖城南去開南城十一日程較此多一日

管柳追和都督城又威遠城奉逸城利潤城內有鹽井一百來所燕乃道并黑齒等類十部落皆屬焉陸路去永昌十日程水路下彌臣國三十日程南至南海去崑崙國三日

按日或為月字之誤

程按開南銀生相距

一日疑在今之景東境景泰雲南志曰「景東府古拓南也」樊志卷六「永昌城西南管拓南城土俗相傳呼為要鎮」又卷七「自銀生

城拓南城尋傳祁鮮以西蕃蠻種並不養蠶

按卷四曰摸子蠻開南銀生永昌尋傳四處皆有

此拓南蓋

亦指開南開與拓之義同故拓南亦稱開南也開南附近多鹽井今

鎮沅景谷

即威遠

寧洱並產鹽蓋唐時已開井也所謂水路當即順瀾滄

江而下開南與銀生並在南詔南境路達海岸惟道不同蓋銀生道

出今瀾滄縣而開南道出今車里也樊志稱銀生開南二城置節

度惟唐書無開南蓋後廢之或併而爲一也元史地理開南州蒙

氏立銀生府又威楚路曰蒙氏立二都督六節度銀生節度即今

路也由此紀錄知銀生府地廣即明代楚雄景東順寧三府及其

附近之地初爲二節度而後合爲一也

(麗水節度)

樊志卷二

麗水一名祿旱

江源自邏些

城三危

山下南流過麗水城西又南至蒼望又東南過道雙王道勿川西過

彌諾道立柵又西與彌諾江合流過驃國南入於海按此水即大

金沙江一名伊洛瓦底江 (Inaouaddy) 明張機有南金沙江源考即

記此水法國伯希和 (Pelliot) 之交廣印度兩道考已詳釋之而此

水之名與揚子江上游之金沙江同故有疑為金沙江者然樊志新

唐之麗水則絕非金沙江也麗水城之位置未甚明白姑引有關之

文新唐書地理志載賈耽路程曰「自諸葛亮城按今露江土司地西去騰充城

按即今騰衝二百里又西至彌城百里又西過山二百里按里數有誤至麗水城乃西

渡麗水龍泉二百里至安西城」樊志卷六曰「越禮城在永昌北管

長傍藤彎長傍城三面高山臨祿阜江」又「麗水城尋傳大川城在

水東東有寶山城西渡麗水至金寶城」鎮西城南至蒼望城臨麗

水東北至彌城西北至麗水渡麗水渡面南至祁鮮山管摩零都督

城在山上」南詔特於摩零山上築城置腹心理尋傳長傍摩零金

彌城等五道事凡管金齒漆齒繡腳繡面彫題僧耆等十餘部落

按樊志文繁複
茲僅爲節錄

在此若干地名中所可確定者爲鎮西元史地理志金齒宣

撫司有鎮西路明史地理志曰「干崖宣撫司元鎮西路」以鎮西稱

干崖始於元以前雖未獲旁證然以樊志之路程考之鎮西應在今

干崖又彌城應在今猛弄蒼望當假定爲今之八莫而麗水城應在

蠻莫之西北境明朱孟震本西南夷風土記曰「形勝惟蠻莫獨擅

後擁蠻哈前阻金沙上通迤西

按孟
養

里麻

按江
心坡

茶山

按片
馬

中通干崖南甸隴

川木邦下通孟密緬甸八百車里擺古誠水陸交會要區諸夷襟喉

重地」他若金寶城在今密支那寶山城在今昔董長傍在今片馬

西恩門開江東岸凡此等地南詔並築城而以祁鮮之摩零城爲總

鎮祁鮮在麗水城南鎮西城西疑即蠻莫土司地大盈江北岸今有

明萬曆十二年征西將軍劉挺威遠營碑即在蠻莫瑞亭山蓋因其地當大盈江入大金沙江處又在諸土司地之中心交通四達劉挺召諸土司至此誓衆不讎南詔摩零城即設於此否而摩零距麗水城鎮西城並近故南詔六節度樊志有鎮西新唐傳有麗水南詔德化碑曰西開尋傳祿邨出麗水之金」按祿邨當即樊志之祿耳伯希和以爲早爲卑字之誤是也則麗水爲南詔西部之重鎮也 李元陽雲南通志曰「麗江軍民府南詔於此置麗水節度」蓋因此金沙江稱麗江亦名麗水元史地理志曰麗江卽古麗水故爲是說李志以後志書多從之張機旣知南北金沙江爲二水亦糾葛不清然樊志所謂麗水則非麗江也

（劍川節度） 劍川之位置樊志所載甚爲明白如浪穹詔主鐸

羅望與南詔戰敗保劍川施浪詔主望欠之弟望千北走吐蕃爲詔

歸於劍川

按並詳六詔世系

又鐵橋城在劍川北三日凡此劍川應即今之劍川

元史地理志鶴慶路曰「南詔有六節度劍川其一也」所說甚是

樊志卷六有寧北城曰「在漢牂牁縣之東境也本無城池以浪人詔矣羅君舊宅爲理所東地有野共川北地有虺川又北有郎婆川又北有桑州即至鐵橋城北九睽川又西北有羅眉川又西牟郎共城又西至傍彌潛城西有鹽井鹽井西有斂尋城皆施蠻順蠻部落今所居之地也又西北至聿賚城又西北至弄視川」凡此地名並在今洱源縣以北金沙江以南之區域即由洱源出發北經鶴慶麗江又一路由洱源西北經劍川南至蘭坪等地

詳見隋唐州縣考釋

疑即劍川節度

所管之地樊志記南詔節度有寧北無劍川正因寧北節度即劍川

節度也吐蕃南侵其勢力及於浪穹觀南詔德化碑甚爲明瞭及閣

羅鳳臣於吐蕃浪穹以北亦爲吐蕃所管異牟尋致韋臯書亦明白言之故三浪敗退至劍川野共受吐蕃之保護南詔亦莫可誰何至貞元十年破吐蕃於神川收復劍川野共諸地蓋至是寧北節度遷於劍川也

(拓東節度)

樊志卷六曰「拓東城廣德二年鳳伽異所置也

其地漢舊昆川故謂昆池東北有井邑城隍城西有漢城土俗相傳

云是莊躡故城城之東十餘里有穀昌村漢穀昌王

按王字當作縣

故地也貞

元十年南詔破西戎

按吐蕃

遷施順磨些諸種數萬戶以實其地又從永

昌以望苴子望外喻等千餘戶分隸城傍以靜道路「按拓東城之

位置其見於紀錄者賈耽路程曰「晉寧驛八十里至拓東城八十

里至安寧故城」樊志卷一曰「晉寧館至鄯闡拓東城一日從拓東

節度城至安寧館一日」則拓東應在今之昆明平原又樊志卷二

曰「金馬山在拓東城螺山南二十餘里」碧雞山在昆池西岸上

與拓東城隔水相對」昆池在拓東城西南按此下有百餘里四十五里七字當誤水源從金馬

山東北來拓東城北十數餘里官路有橋渡此水按即盤龍江闊一丈餘」則

拓東城址當在今昆明城附近元史地理志中慶路曰「唐姚州閣

羅鳳叛取姚州按兩姚州字當為昆州之誤其子鳳伽異增築城曰拓東六世孫券豐祐

改曰鄯闡」玩其文意蓋元之中慶城即拓東城故址也 樊志附

錄記貞元十年袁滋册封事及其歸記曰「仍令大軍將王各苴拓

東副使杜伽諾具牛羊領鞍馬及丁夫三百人提荷食物送至石門

」蓋拓東爲南詔東境重鎮故自此往戎州命拓東節度護送也又

樊志卷四載桃花人李由獨與拓東節度書信往還則南詔與安南

交涉亦經拓東節度也而拓東本爨地南詔以兵威置鎮於此初令鳳伽異守撫後南詔王亦居之玉溪編事引驃信詩有避風鄯闡句唐會要卷九九徐雲虔使南詔至鄯闡府遇驃信遊獵又樊志卷六郭延宗曾奉使至拓東城住一月五代史南詔傳李龜年等使南詔不至苴咩至鄯闡新唐書南詔傳曰「王都羊苴咩城別都曰鄯闡府」蓋因拓東地位之重要不僅設節度且以爲別都也拓東在今昆明自來釋者多此說惟胡蔚本南詔野史曰「拓東節度今雲南府昆陽州北平定鄉蒙氏子鳳伽異曾築城於此」不知何本也

（鐵橋節度）

樊志卷六

鐵橋在劍川北三日程川中平路有

驛貞元十年南詔異牟尋用軍破東西兩城斬斷鐵橋大籠官以下投水死者以萬計今西城南詔置兵守禦東城至神川以來半爲散

地見管浪加萌於浪傳竟長禪磨些撲子河人弄棟等十餘種」又
卷十附錄曰「吐蕃鐵橋節度本屬吐蕃貞元十年蒙異牟尋攻破
今並屬蠻官」按鐵橋址在劍川北三日應屬麗江元史地理志麗
江路曰「巨津州蓋以鐵橋自昔為南詔吐蕃交會之大津渡故名」
則以為鐵橋在巨津也李元陽雲南通志麗江府古蹟曰鐵橋城在
鐵橋南今遺址尚存」乾隆麗江府志曰鐵橋址在廢巨津州北一
百三十里南有鐵橋城為吐蕃十六城之一嘗置鐵橋節度於此所
跨處穴石錮鐵為之冬日水清猶見鐵環」按今巨甸即巨津北塔城關
即鐵橋城舊址南詔設節度於此所管為鐵橋附近之民族其東當
至昆明城樊志鐵橋城後即記昆明城曰「在東瀘按卷二東瀘古昔水也即今鴉龍江之西去
龍口十六日程正北有諱苴川正南至松外城又正南至龍怯河按一泡江

西南至小婆城又西至大婆城西北至三探覽城

按元史之答藍今永寧

又西北至

鐵橋東城

按應在今中甸

其鐵橋上下及昆明雙舍至松外以東邊近瀘水並

磨些三種落所居之地」按此自今鴉龍江以西至金沙江一帶之地

當時以磨些種人爲主要民族鐵橋節度所領當即此區域之地也

二都督

新唐書南詔傳曰「有二都督會川通海」胡本南詔野史同而野史

節度有八即唐傳之六節度外有東川通海二節度惟通海既設都

督何至再有節度又東川疑即會川之訛胡蔚以爲東川即今東川

府按會澤然南詔治理爨部置拓東節度自此而東北無設治可考胡蔚

強釋之未是也 南詔疆域以十睽爲根據六節度輔之其二都督

則又爲外府也

(會川都督) 元史地理志建昌路會川府曰「天寶末沒於南

詔立會川都督府」是知會川即在今四川會理也樊綽雲南志卷

一記成都至羊苴畔之清溪道曰「嵩州三阜城至沙也城至儉浪

驛至俄淮嶺下此嶺入雲南界」又曰「雲南蠻界從嵩州俄準嶺至

箐口驛至苴驛至會川鎮至日集館至會川有蠻充刺史稱會川都

督至河子鎮乘皮船渡瀘水」又新唐書地理志嵩州下亦稱「俄準

添館按俄準嶺陽蓬嶺北嵩州境其南南詔境」自俄準館經箐口會川至

河子鎮城則會川城距金沙江不遠應在今會理境會川都督即設

於此樊志卷二記瀘水按金沙江與東瀘按龍江合後過會同川即會川地蓋會

同川省稱爲會川亦曰會同元史地理志會川路永昌州曰「會川

都督至蒙氏改爲會同府」舊唐書南詔傳「會安祿山反閣羅鳳乘

豐攻陷嵩州及會同軍

新唐南詔傳唐會要卷九九同

此會同即會川也南詔攻陷嵩州

會同之事亦見於德化碑稱會同請降又稱會同無戰

按不戰而降

則自是

南詔得嵩州會川之地迄韋臯鎮蜀貞元五年後收復嵩州而會川

仍為南詔所有故貞元十四年劉希昂使南詔咸通初樊綽在安南

猶稱俄準嶺以南為南詔地即在宋時大理段氏猶置會川府

見元史地理志

會川北界之俄準嶺樊志所記距會川城二百八十里新唐書所記

距三百六十里

按除去至河子鎮七十里

則在今西昌縣之南境而會川之西為昆明

東為勿鄧亦屬南詔當會川都督所管也 太和三年南詔弄棟節

度蒙嵯巔攻陷成都掠子女工技數萬而南至大渡河告之曰「此

南吾境爾去國當哭」則南詔得嵩州即以大渡河為北界宋太祖

即棄大渡河以南之地會川以北唐與南詔爭奪靡已時為南詔所

有時爲唐有然唐兵未南至曾川境也

(通海都督)

元史地理志臨安路曰「天寶末沒於南詔蒙氏

立都督府二二曰通海郡」樊志卷一記安南至陽苴時之路程曰

「通海城至江川縣一日至晉寧一日至鄯闡拓東城一日」賈耽路

程亦曰「經通海鎮至絳縣

按江川見隋唐州縣考釋

至晉寧驛至拓東城」以地理

審之通海城即在今通海縣

通海都督之境城北爲拓東節度其

南則樊志卷一賈勇步下曰「大中初悉屬安南管係其刺史並委

首領勾當大中八年經畧使

按李琢

苛暴川洞離心疆內首領旋被蠻賊

誘引數處陷在賊中」按賈勇步爲水程起點應在今蒙自南之蠻

耗詳爨部地理考證此以北爲南詔地應屬通海都督樊志所云指

賈勇步以南之地則通海以紅河爲其南界惟東南區轄至何地則

未獲詳也 大中十二年後至咸通七年南詔兵入安南段曾遷重
兵鎮守以范昵些爲安南都統趙諾眉爲扶邪都統治理其地至唐
以高駉爲安南經畧使南詔始敗歸 南詔之設會川通海二都督
蓋所以禦強鄰一以防西川一以防安南而南詔屢入寇西川安南
當即以二都督爲根據則以節度都督爲名者節度鎮一隅而都督
則對外也

大理國地理考證

鄭買嗣得國號長和

世傳三

趙善政篡之號天興復爲楊干貞廢而自立

號義寧三姓相承不過三十五年其境域之治理不獲見於紀錄段

思平逐干貞楊號大理國傳二十二主祚三百有餘歲復得高氏之

助治理疆土較之南詔尤有條理

已詳載世系

其建置南詔野史諸書所未

詳惟秋澗大全集卷五十兀良氏先廟碑述兀良合台征雲南功績

曰「不二載平大理五城八府四郡泊烏白等蠻三十七部」元史卷一二兀良合台傳所

同載經世大典敍錄亦曰「兀良合台專征五年凡得城五府八郡四蠻

部三十七」又元史地理志曰「世祖征大理凡收府八郡四部三十

七」所謂五城為元初設治區域而八府四郡三十七部則大理國

故土也諸家紀錄偶載大理國之設治合而觀之十得八九茲分篇

考證之

八府四郡

元初征服之八府四郡即大理國時代所建置然何為八府未詳於

紀錄查繼佐罪惟錄卷三十四土司傳曰「段興智為摩訶羅暎管

理八府」是知八府之地元初仍歸段氏治理元史卷一六六信苴

日傳曰「興智在道上卒中統二年信苴日入覲世祖復賜虎符詔領大理鄯闡威楚統矢會川建昌騰越等城」張道宗記古滇說集所載尙有謀統一地滇載記尙有永昌一地疑信苴日所領大理爲其所都又有鄯闡威楚統矢會川建昌永昌騰越謀統一處即所謂之八府也以此假定考校元史地理志李元陽雲南通志諸書所載大理國之建置相與符合而此八府附近有設府或郡者當即所謂之四郡也此八府四郡以外爲三十七部之區域蓋八府四郡乃大理國直轄之境且府郡大都由高氏治理高氏爲大理國世臣開闢疆土厥功甚偉茲以其可知者錄之如次

（鄯闡府）元史地理志曰「元世祖征大理凡收府八鄯闡其一也」景泰雲南志卷一亦曰「雲南府段氏以此爲八府之一號鄯

闡府「李元陽雲南通志地理志雲南府山川曰「大理高智昇爲鄯

闡演習

按演習猶牧守也

號清侯」楚雄高生福碑稱「高祖鄯闡岳侯高昇祥」

姚郡世守高氏源流宗派圖曰「高智昇爲鄯闡演習子昇泰爲鄯
闡侯昇祥因嗣兄位乃襲父鄯闡侯職昇祥子祥明襲鄯闡侯職子
明生復襲鄯闡侯」是鄯闡爲高氏世守之地也

（威楚府）

大理國德運碑稱高量成居威楚府西范成大桂海

虞衡志曰「大槩在大理之威楚府」是知大理國有威楚府李元陽

雲南通志地理志曰「楚雄府南詔蒙氏置銀生節度宋時段氏以

銀生屬姚州號爲當筋臉後改白鹿部又改威楚郡」元史地理志

曰「高昇泰執大理國柄封其姪子明量

按明量爲昇泰之孫此誤

於威楚築外城號德

江城傳至其裔孫長壽」明量即護法公治威楚事見德運碑及祥

雲水白寺淵公碑

(統矢府)

釋用源姚安興寶寺續置常住記曰「姚安路古名

弄棟川至大理段氏立爲統矢府又號姚府即八府之一」歐陽玄
陞姚安路記亦曰「姚安當段氏有國時爲姚府居南詔八府之一」
李元陽雲南通志曰「姚安府段正嚴封高泰明之子明清爲演習
世有其地」姚郡世守高氏宗派圖詳焉

(會川府)

元史地理志「會川路南詔立會川都督府又號清

寧郡至段氏仍爲會川府」又曰「段氏興高氏專政以其子高政治
會川」按高政即高隆政高氏宗派圖曰「二十七世公隆政仕宋

按宋爲段

氏之

封越嶲會川三郡演習」歐陽玄陞姚安路記亦曰「高自昇泰相

國六世至護隆封其長子隆政爲姚安越嶲會川三郡之演習演習

者彼國牧守之稱也」則隆政襲姚府演習而兼會川越嵩二郡也
（建昌府）元史地理志「建昌路本古越嵩地蒙詔立城曰建
昌府以烏白二蠻實之其後諸酋爭強不能相下分地爲四推段興
爲長其裔侵強遂併諸酋自爲府主大理不能制」按建昌在大渡
河以南爲南詔所領宋與大理國以大渡河爲界建昌應屬大理故
段氏以高隆政爲演習又元史地理志建昌路姜州曰「閩畔部阿
羅仕大理國主高泰按即高昇泰是時會川有城曰就納羅落蠻世居焉阿
羅挾高氏之勢攻拔之」是高氏威及建昌諸郡然以其地民族強
悍自爲部落大理國羈縻而已故元代設羅羅斯宣慰司都元帥於
其地不屬大理路也

（騰衝府）元史地理志曰「騰衝府即越睽地蒙氏九世孫異

牟尋取越睽逐諸蠻有其地爲軟化府其後白蠻徙居之改騰衝府
元憲宗三年府酋高救內附「高氏宗派圖曰「高昇泰子泰運仕段
氏封柵主朝宋求經籍歸封騰越號黑演習」疑高救即泰運之裔
也

（永昌府）元史地理志「永昌府唐時蒙氏據其地歷段氏高
氏皆爲永昌府李元陽雲南通志同景泰雲南志卷六「金齒軍民
指揮使司段氏以此爲八府之一」

（謀統府）元史地理志曰「鶴慶路太和中蒙封祐於樣共立
蒙統郡蒙氏後經數姓如此」四夷館考亦曰「鶴慶軍民府南詔於
樣共置謀統郡」李元陽雲南通志「南詔置謀統郡段氏改謀統
府」姚安高氏宗派圖「高昇泰子泰慧泰慧子慧珠職演習八世孫

義定襲鶴慶州「宣德三年世守鶴慶知府高府君墓碑述鶴慶高氏宗譜自高智昇以後世系頗詳焉

以上八處大理國設府高氏治理即所謂之八府也此外大理國時代曾設郡者錄之如次

〔善巨郡〕 元史地理志「北勝府其地曰成偈睽又改名曰善巨郡蒙氏終段氏時高智昇使其孫高大惠鎮此郡後隸大理」按大惠即秦慧高氏宗派圖「高昇泰第三子曰秦慧秦慧生四子三曰慧球慧球襲職大布燮歷八世孫祥益襲北勝州同知職」按永勝高氏土職傳至今焉

〔天水郡〕 元史地理志曰「趙州皮羅閣置趙郡閣羅鳳爲州段氏改天水郡」

（勝鄉郡）李元陽雲南通志地理志曰「永平縣南詔蒙氏置勝鄉郡大理段氏因之」元史地理志亦稱蒙氏設郡惟不言段氏因之

（秀山郡）元史地理志曰「南詔立都督府二其一曰通海郡段氏改爲秀山郡」李元陽雲南通志曰「段氏改通海節度爲秀山郡後復爲通海郡」按元代以通海地屬寧州然元初置通海千戶隸鄯闡萬戶不屬寧州萬戶蓋因大理國時爲直轄之地也

以上四處設郡疑即所謂之四郡也

八府四郡爲大理國直轄區域三十七部則爲羈縻區域而八府四郡即南詔國時代七節度二都督之地茲列表如次

南詔

大理國

元

弄棟節度 統矢府

姚安路

銀生節度 威楚府

威楚路

永昌節度 永昌府

永昌府

騰衝府

騰衝府

勝鄉郡

永平縣

劍川節度 謀統府

鶴慶路

拓東節度 鄯闡府

中慶路

麗水節度

善巨郡

北勝府

會川都督

會川府

會川路

建昌府

建昌路

通海都督 秀山郡 臨安路

十睽故地 天水郡 趙州

以上對照惟麗水節度大理國不能制餘則南詔設節度都督
大理國改爲府或郡又永昌騰衝並爲永昌節度地建昌會川
並爲會川都督地天水爲十睽之趙川地蓋大理國時代分治
益密也

三十七部

程文海元世祖平雲南碑曰「兀良合台拔鄯闡得段興智以獻釋
不殺進軍平烏蠻部落三十七」是知兀良合台至鄯闡後進兵三
十七部則其地應在鄯闡以東元史本紀「至元八年五月辛未分
大理國三十七部爲三路」所謂三路者見於地理志中慶路曰「至

元八年分大理國三十七部爲南北中三路路設達魯花赤并總管
一又武定路曰「至元八年併仁德于矢入本部爲北路」澂江路路
南州曰「至元七年按八年之誤併落蒙羅伽末迷三萬戶爲中路」臨安路
曰「至元八年改爲南路」則三路即北中南三路兀良合台拔都闡
後所征服大理國三十七部當在此三路之地也然自至元十一年
設雲南行中書省十三年改定雲南諸路名號三十七部舊名幾無
復存惟地理志所載諸路及府州縣沿革細審文意猶多可考茲以
元史地理志爲主參證明清文獻之可信者錄之

（羅婺部）

元志武定路曰「昔獐鹿等蠻居之至段氏使烏蠻

阿剌治納凍脫共龍城於共甸又築城名曰易龍

李元陽雲南通志卷四曰在祿勸州北一百八十里

其裔

孫法瓦侵盛以其遠祖羅婺爲部名」延祐七年獅山正續寺碑曰

「南詔三十七部武定其一也」

(于矢部) 元志普安路曰「蒙氏叛唐其地爲南詔東鄙烏蠻七部落居之其後爨酋阿宋逐諸蠻據其地號于矢部世爲酋長」
讀史方輿紀要曰「阿宋據其地初號齊彌部後改于矢部故城在普安州東三十里」

(仁地部) 元志仁德府曰「昔楚刺蠻居之無郡縣其部曰仲扎溢源後烏蠻之裔新丁奪而有之至四世孫因其祖名新丁以爲部號語訛爲仁地」張志淳新建尋甸府城記曰「元仁德遺址在今城之東五里」疑其地爲仁地部故城也

(羅部) 元志羅次縣曰「本烏蠻羅部」元良合台傳曰「前次羅部府大酋高昇集諸部兵拒戰大破於洩可浪山下」李元陽雲

南通志曰「羅次縣本烏蠻羅部農彈所居地宋時大理高量成令
高白連慶治其地」清一統志
作高連慶疑高昇為高白連慶之裔

(嵩盟部)

元志嵩盟州曰「昔漢人居之後烏白蠻強盛漢人

徙去盟誓於此因號嵩盟州南有土台盟會處也漢人嘗立長州蒙
氏改為嵩盟部段氏因之」

(磨彌部)

元志霑益州曰「為焚刺二種所居後磨彌部奪之

又南寧縣曰「段氏烏蠻莫彌部曾據石城」李元陽通志曲靖路

曰「南詔蒙氏」方輿紀要
曰大歷初置石城郡宋時大理段氏因之後為磨彌部所

據「按磨彌亦作莫彌」見元志
南寧縣又作末迷見元志
越州元志石梁縣曰「係磨彌部

又名五勒部」則磨彌又名五勒也

(普摩部)

元志越州曰「有川名魯望普摩部蠻氏居之」李元

陽雲南通志曰「越州爲爨蠻所據號普摩部」

(羅雄部) 元志羅雄州曰「歷代未嘗置郡夷名其地爲塔敵

夷甸俗傳盤瓠六男其一曰蒙由邱後裔有羅雄者居此甸至其孫

普恐名其部曰羅雄」

(夜苴部) 李元陽雲南通志曰「亦佐縣唐爲盤州地後沒於

蠻號夜苴部後訛爲亦佐」

(納垢部) 元志馬龍州曰「夷名曰撒匡昔爨刺蠻居之盤瓠

裔納垢逐舊蠻而有其地」李元陽雲南通志馬龍州曰「盤瓠裔納

垢部逐舊蠻而有其地」則納垢爲部名也

(羅伽部) 元志澂江路曰「初磨些蠻按此磨蠻之誤以下仿此居之後爲爨蠻所

奪南詔蒙氏爲河陽郡至段氏磨些三蠻之裔復居此甸號羅伽部」

(強宗部) 元志新興州普舍縣曰「昔有強宗部蠻之裔長曰部旁據普具龍城次曰普舍據普扎龍城二城之西有白城漢人所築一酋屢爭其地」又晉寧州呈貢縣曰「世爲此莫強宗部蠻所居」

(陽城堡部) 元志晉寧州曰「蒙氏段氏皆爲陽城堡部」李元陽雲南通志同

(休制部) 李元陽雲南通志澂江府曰「蒙氏置河陽郡宋時大理析蠻爲三部曰強宗曰休制曰步雄」清一統志曰「蒙氏溫富州宋段氏時摩些蠻據其地號休制部」

(步雄部) 元志江川縣曰「蒙氏叛唐使白蠻居之至段氏些摩徒蠻之裔居此城更名曰步雄部」又研和縣曰「些摩徒蠻步雄

居之

(落蒙部)

元志激江路路南州曰「夷名路甸有城曰撒呂黑

爨蠻之裔落蒙所築子孫世居之因名落蒙部」李元陽雲南通志

曰「路南州舊城址在州東北半里

方輿紀要曰一里

名撒呂城今廢」

(落溫部)

元志曲靖路陸涼州曰「南詔叛後落溫部蠻世居

之」李元陽通志曰「廢芳華縣在陸涼州西四十里昔落溫部之地

又曰「廢河納縣在州南八十里蔡村蒙氏時置陸郎縣後併於落

溫部

(師宗部)

元志廣西路曰「東爨烏蠻彌鹿等部所居唐為羈

縻州隸黔州都督府後師宗彌勒二部浸盛蒙氏段氏莫能制」又

師宗州曰「昔爨蠻逐獠爨等居之其後師宗據匿弄甸故名師宗

部

(彌勒部)

元志彌勒州曰「昔此摩徒蠻之裔彌勒得郭旬巴

旬部寵而居之故名其部曰彌勒」

(維摩部)

李元陽通志廣西府沿革表唐師宗彌勒維摩三部

清一統志廣西府引元史地理志師宗彌勒二部外有維摩部元史

本紀大德四年有維摩而地理志奪焉

(嶠峨部)

元志嶠峨縣曰昔「嶠峴蠻居之後阿楚酋逐嶠峴

據其地」方輿紀要曰「名嶠峨部」

(休臘部)

元志河西縣曰「夷名其地曰休臘天寶未沒於蠻

為步雄部後阿楚蠻易渠奪而居之」則當自為一部也

(寧部)

元志寧州曰「地號浪曠夷語謂旱龍也步雄部蠻些

摩徒據之後屬爨蠻酋阿幾以浪曠割與寧酋豆圭
通志曰「豆圭改寧部」

（因遠部）李元陽雲南通志元江路曰「舊名惠籠甸又名因遠部唐時南詔蒙氏以屬銀生節度徙白蠻蘇張周段等十姓戍之又開威遠等處置威遠縣後和泥蠻侵據其地宋時儂智高之黨竄於此和泥開羅槃甸居之後爲些摩徒蠻阿契諸部所有」

（王弄部）李元陽雲南通志曰「王弄長官司兀良合台征交趾路經阿迷立大小二部」按初當有王弄部兀良合台分爲二非初設爲二部也

（強現部）李元陽雲南通志教化三部長官司曰「蠻名強現漢訛爲教化即教化強現牙車三部酋地也」

〔落恐部〕 李元陽雲南通志落恐甸長官司曰舊爲伴溪落恐部屬思陀甸後不相服

〔思陀部〕 李元陽雲南通志司陀甸長官司曰舊爲官桂思陀部初管落恐溪處二部後不能相服分爲三

〔溪處部〕 李元陽雲南通志溪處甸長官司曰 舊七溪溪處甸酋名賀端訛爲和泥本一部後酋官桂兄弟分爲三部溪處甸部其一也

〔鐵容部〕 李元陽雲南通志虧容甸長官司曰 舊爲鐵容甸

部

部名可考者三十亦有地名稱部而不應在三十七部之數者如元志臨安路曰「阿楚部蠻居之」按南詔之通海都督大理

國之秀山郡即在臨安路且焚即白子爲大理國主要民族蓋
隨政治勢力而移殖於此其地直屬大理不當爲三十七部地
也他如烏撒烏蒙所轄部六曰烏撒部阿頭部易溪部易娘部
烏蒙部閩畔部又有芒市阿晟二部然其地大理國不能制又
元江有十二步按卽部也曰羅槃馬籠步日思摩羅丑羅陀步騰步竭
台威台陽設棲你陀然其地多在紅河以西又羅之斯多稱部
名如落蘭部沙麻部阿都部科部屈部賴縵部巴翠部又領小部三絳
部然爲建昌會川二府之地凡此雖名爲部不應在三十七部
之地也

師範滇繫典故繫五胡蔚本南詔野史卷上王昶金石萃編卷
一百六十並載三十七部名號不言所本以注釋地名觀之如

稱開化府元江州羅平州清代始有當爲清作其列舉名號較
今所考者無嵩盟普摩寧部三部有屈中彌沙邑市吉輸褒惡
白鹿謀統華竹掌鳩碌券十部然此十部猶有疑義畧述如次
李元陽雲南通志曰「元至元中以維摩部爲千戶總把領
維摩屈中一千戶」則屈中屬維摩部非別爲一部既列維摩
爲部不應再列屈中也 李志又曰「彌勒千戶總把領吉輸
褒惡步籠阿欲四千戶」則此四千戶本爲彌勒所屬非各獨
立爲部且列吉輸褒惡爲部而不列步籠阿欲爲部已不一致
也 元志路南州邑市縣曰「即邑市彌歪二城立邑市縣彌
沙等五城立彌沙縣」則元代以七城故地設二縣邑市彌沙
蓋其較大者然無立部之說方輿紀要曰「邑市彌沙等城落

蒙子孫分據之」其地與落蒙部接當屬落蒙也 又元志祿
勸州曰「甸名洪農祿券雜蠻居之無郡所」可見元以前非一
部也 又元志石舊縣曰「有四甸曰掌鳩曰法塊曰抹捻曰
曲敵」未言立部景泰雲南志卷二祿勸州法塊山曰「羅婺部
曾於此設寨」是知其地本屬羅婺部也 景泰雲南志卷二
元謀縣曰「蠻名花竹漢語石峽又曰環州蒙段時爲三泊郎」
按花竹即華竹對音環州既爲三泊郎當未立部也 又白鹿
部在威楚謀統部在鶴慶大理國並置府於其地當非三十七
部地 如上所述滇繫及野史所釋十部未可確信若嵩盟普
摩寧部之立部既可考見於元志且元初置萬戶千戶足見初
爲一部滇繫野史所無蓋未嘗深考也而三十七部名今所知

者僅三十其餘未獲見於紀錄姑缺俟考 景泰雲南志卷二

陸涼州山川部封山曰「夷語以縣爲部故名之」蓋部即地方
行政區之稱三十七部猶言三十七縣而三十七部當有三十
七酋長兼併分割當不可免則三十七部之數容當有增減惟
此區域爲大理國羈縻之地初蓋設三十七部即以三十七部
稱此區域既用爲專名故設部有增減未易其名稱也

所釋三十七部之地理即在爨部故地惟其北部別爲烏撒烏
蒙又大理國設善闡府與秀山郡耳元史信苴日傳稱三十七
部諸爨南詔野史段思平傳稱黑爨松爨三十七蠻部程文海
平雲南碑稱烏蠻部落三十七後世多稱烏蠻或烏蠻三十七部故
知三十七部即爨族石城會盟碑曰「合集三十七部」即在爨

部地也

...

...

...

...

...

...

...

...

...

...

...

新纂雲南通志卷三十五目錄

地理考十五

疆域七

歷代建置考釋四

元初雲南地理考釋

五城

十九萬戶府

元明清雲南省建置考

大明書院南宮縣志卷

十六萬以

正統

大明書院南宮縣志

卷分

正統

正統

大明書院南宮縣志卷二十正目錄

新纂雲南通志卷三十五

地理考十五

疆域七

歷代建置考釋四

元初雲南地理考釋

元憲宗二年太弟忽必烈奉命帥師征雲南次年自六盤山經臨洮
 至忒刺地分三路進兵忽必烈由中路大將兀良合台由西路諸王
 抄合也只烈由東路經行山谷二千餘里渡金沙江既平大理國段
 氏忽必烈班師留兀良合台征伐諸部之未服者秋澗大全集卷五
 十兀良氏先廟碑稱兀良合台征雲南不二載平大理五城八府
 四郡泊烏白蠻等蠻三十七部元史兀良合台傳二卷經世大典秘

錄政典征伐元史地理志並同至元十一年賽典赤贍思丁行省雲南設路府州縣改定雲南諸路各號所謂五城八府四郡三十七部不復存其舊名惟以地理志所載州縣沿革考之知八府四郡三十七部爲大理國之建置今據以考證大理國之地理而五城則元初所分之五部也又雲南未設行省之先分置萬戶千戶百戶以統之凡此建置散見紀錄茲分別考釋焉

五城

何謂五城未見前說惟元史世祖本紀「至元四年九月庚戌遣雲南王忽哥赤鎮大理鄯闡茶罕章赤禿哥兒金齒等處」又「至元十年六月丙子以平章政事賽典赤行省雲南統合刺章鴨赤赤科金齒茶罕章諸蠻」據此二次之紀錄並有茶罕章金齒兩地而赤禿

哥兒與赤科爲對音字合刺章即大理鴨赤即鄯闡以此五處區分雲南之地當即所謂五城然此五處之方位與疆域紀錄未詳猶待考校茲分述之

一合刺章 合刺章之名見於史者或作哈刺章亦作哈喇章又作阿刺章可知爲雲南地名而地理志所不載故張星烺中西交通史料匯編謂「其區域甚不明瞭」然其地應在大理大理崇聖寺元聖旨碑有「哈刺章有的大理崇聖寺」之語以元代白話碑文例之哈刺章曾爲崇聖寺所在地之地名又以文意觀之知大理爲哈刺章之一地即哈刺章一名所包之區域猶廣於大理也王惲秋澗全集卷六十七翰林遺稿有「宣慰大理即合刺章俾還本土手詔」此詔當頒於元世祖朝稱大理即合刺章知合刺章與大理猶有分別

也波斯國拉施特丁 (Kholja Rashided-din) 之史記彙編曰「契丹

按元明間之西方學者稱中國爲契丹

之南有國契丹人名曰大理或曰大國蒙古人名之曰哈

刺章 (Karajan) 印度及迦濕彌羅語則名之曰乾陀羅 (Kandar) 即

吾人

按波斯人

之 Kamahar 也」按蒙古人稱大理國爲哈刺章而大理國疆

域未及元之雲南行省然拉斯特所記哈刺章之疆界則已等於雲

南行省其言曰「哈刺章國疆域廣漠介於圖伯特唐古忒印度叢

山蒙古契丹及金齒國之間」意大利國馬可孛羅 (Marco Polo) 遊

記亦曰「哈刺章 (Charajan) 州甚大境內致有七國」此哈刺章之

境界指雲南全省然元史哈刺章不過雲南五城之一不宜稱全省

蓋設重鎮於大理以統全省外人不察以小名誤爲大名故法伯希

和 (Paul Pelliot) 之交廣印度兩道考曰「哈刺章一名就廣義言

包括南詔所屬之一切種族就狹義言僅指南詔發源地之大理一帶。此說甚是。且疑哈刺章指雲南全省乃當時西方學者所用之稱呼僅指大理一帶則蒙古人之稱呼不可不分別觀之。元史之哈刺章所包疆域則當爲憲宗六年所立之大理上下二萬戶及威楚萬戶之地。元史信苴日傳卷一六六至元元年舍利畏叛日率衆進討大敗之於威楚復敗之於統矢城十一年復亂日遣石買等設計撞殺之。舍利畏所據以謀亂之區域爲威楚統矢。元史本紀曰：「雲南總管信苴日石買等刺殺合刺章舍里威之爲亂者。」舍里威即舍利畏其作亂之地爲哈刺章也。又信苴日傳：「至元十八年日以功授大理金齒威楚等處宣慰司都元帥府。」此時大理金齒路設於大理威楚別爲一路而日以大理總管攝威楚是可知威楚爲哈刺

章之一部又以地理言威楚在大理與鄯闡之間不屬鄯闡當屬大理也。以是言之元初哈刺章之疆域包有設行省後之鶴慶大理威楚開南等路之地。

元史所載哈刺章之事蹟摘錄數節如次 兀良合台傳 甲寅秋

復分兵以附都魯闡轉攻合刺章水城

按此當是易籠元史地理志祿勸州曰蠻語謂湊為水籠為城因此為名其地為羅娑部舊亦屬哈刺章也

屠之合刺章蓋烏蠻也 趙阿哥潘傳 癸丑從世祖征哈喇章有

功 阿兒思蘭傳 從兀良合台征合刺章有功 孛兒速傳

世祖時直宿扈駕征哈刺章哈刺章平以功論賞 小石雲脫忽憐

傳 子八丹事世祖從征哈刺章有功 完顏石柱傳 從世祖

征合刺章 此初征雲南之紀錄也 世祖本紀 至元十八年四

月益雲南軍征合刺章 文宗本紀 至順二年四月鎮西武靖王搠

思班言蒙古軍給哈刺章羅羅斯諸種人叛者或誅或降則設行
省後猶有叛亂者世祖本紀至元二十二年十月遣雪雪的斤
領畏吾兒戶一千戍合刺章又十一月置合刺章及四川建都等
驛蓋所以防亂元代多有蒙古回回軍屯駐於大理附近今鄧川
牛街三營等處之達子墳壘壘即此輩也世祖本紀至元十七
年三月詔討羅氏鬼國命以蒙古軍六千哈刺章軍一萬西川藥刺
海萬家奴軍萬人阿里海牙軍萬人三道並進又二十三年二月
遣使諭皇子也先鐵木兒調合刺章軍千人或二三千付阿里海牙
從征交趾又四月仍諭納速刺丁分阿刺章蒙古軍千人以能臣
將之赴交趾助皇子脫歡按亦見納速刺丁傳卷一二五曰以合刺章蒙古軍千人從皇子脫歡征交趾按調合刺章軍從
征至萬人其數已不少信苴日傳段興智與信苴福率爨爨軍二萬

爲前鋒導大將兀良合台討平諸部之未附者爨楚爲雲南土兵而
段興智所領者即合刺章軍也 世祖本紀「至元二十二年九月
省合刺章金齒二宣撫司爲一治永昌」又「十二月罷合刺章打金
規運所及都元帥」是合刺章初有宣撫司都元帥府之設後始與
金齒拼而爲一即地理志之「大理金齒等處宣慰司都元帥府」世
祖本紀「中統四年八月置元帥府於大理」納速刺丁傳「至元十
六年遷大理都元帥」即合刺章都元帥惟易名耳 合刺章境內
初設三萬戶府立雲南行省始改爲府州縣賽典赤傳「至元十二
年奏哈刺章雲南壤地均也而州縣皆以萬戶千戶主之宜改置令
長從之」時三萬戶府境內置千戶者二十百戶者二猶未有州縣
至是始革惟世祖本紀「至元二十二年十二月勅合刺章酋長之

子入質京師千戶百戶子留質雲南王也先帖木兒所則後猶未

盡廢千戶百戶所謂合刺章酋長當即段氏元定質子令凡大官子

弟遣赴京師按見本紀至元二十年合刺章酋長其秩蓋大官也世祖本紀一至

元二十二年中書省臣奏納速刺丁言減合刺章冗官可歲省俸金

九百四十六兩又屯田課程專人主之可歲得金五千兩皆從之

按亦見納速刺丁傳按元史地理志大理路自至元十一年改萬戶千戶為路府州

縣後多有廢置如蒙化為路降州建寧為縣廢置定邊石鼓二縣亦

廢蓋用納速刺丁上言省之也元史所紀合刺章之名惟在至元以

前按至元後所見甚少其後不用此名即元初亦多以大理稱之惟知大理即合刺

章茲略述其事跡焉

二茶罕章 茶罕章亦作察罕章又作察旱章其地即雲南行省成

立後之麗江路元史地理志曰「元憲宗三年征大理從金沙濟江摩些負固不服四年春平之立茶罕章管民官至元八年立宣慰司十三年改爲麗江路立軍民總管府」是知麗江路即茶罕章故地世祖本紀「癸丑十月過大渡河又經行山谷二千餘里至金沙江乘革囊及筏以渡摩娑蠻主迎降其地在大理北四百餘里」大理北四百餘里即麗江路摩娑蠻主所領即茶罕章也

兀良合台傳「癸丑秋大軍自旦當嶺入雲南境至金沙江兀良合台分兵入察罕章蓋白蠻也所在寨柵以次攻下之」兀良合台由西道疑自今之巨甸附近渡金沙江麗江木氏宦譜阿良傳曰「迎蒙古兵於刺巴江口」刺巴者倪蛻雲南事略曰「康熙十一年吳三桂將金沙江以內刺普等處地方割送蒙番」當即刺巴其地爲

木氏所領今屬維西縣自此南下兀良合台用兵於半空和寨木氏
宦譜阿良傳曰「破巨津州半空和砦生擒叛賊阿塔刺」是半空
和在巨津州去此以北過塔城關即刺普所屬之其宗渡也經世大
典敍錄政典征伐曰「兀良合台引兵入土番酋長峻火脫因塔里
堅守兀良合台進攻懼而出降用爲鄉導襲取白蠻譯曰察罕章蠻
依山固守兀良合台令其子阿朮殺蠻退走」茶罕章所領之區域
見於世祖本紀曰「至元二十五年五月雲南省言金沙江西通安
等五城宜依舊隸察罕章宣撫司金沙江東永寧等五城宜廢以北
勝施州爲北勝府從之」按金沙江西五城即通安蘭溪寶山巨津
四川及臨西一縣此自來爲察罕章所屬者金沙江東五城則爲永
寧漢菓牛睽三州及北勝府

其餘一城未詳

屬茶罕章而後分置府者然地理

志載麗江路所領一府七州一縣江東之諸城亦在內則後雖設府亦未脫離茶罕章之管轄也 木氏宦譜所載茶罕章之境域較之

麗江路爲廣阿良傳曰 一功陞茶罕章宣慰司世祖至元中加授銀

印重四十八兩一顆爲提調諸路統軍司其所屬者越析郡

按地理志曰麗江唐爲越析郡

柏興府永寧府北勝府滇漢府羅羅斯白狼槃木夷獠等地方無不

管束其鶴慶府自唐世年間是本司摩娑之地不載於內 阿良卒

於至元九年此時鶴慶已歸合刺章又宦譜阿烈傳載至元十三年

麗江路軍總管府領一府七州一縣與地理志同則後已稍削也

木氏宦譜稱阿良從兀良合台征討諸部未見於史惟經世大典敍

錄政典征伐曰 至元十四年十月都元帥納速刺丁率蒙古爨焚

摩些軍三千八百人征緬至江頭城摩些軍即茶罕章軍也又 大

德五年三月征緬軍參政高阿康土官察罕不花軍官章吉察兒等同稱軍多病不可住擬合回軍下令留之不聽侍親典兵權引軍而回阿康察罕不花伏誅察罕不花者麗江軍民宣撫使也。按察罕不花蓋以察罕章而得名宣撫使當即木氏宦譜之阿胡而宦譜阿胡之傳甚略無攬回伏誅事蓋諱言也。

元史所載茶罕章事世祖本紀「至元十一年二月戊申朔賜茶罕章阿吉老耆等銀鈔有差」又「十二年七月癸酉詔取茶罕章未附種落」又「二十一年五月乙酉以雲南境內洪城并察罕章隸皇太子」寥寥數條他如峻都傳卷二九「從征花馬國有功」花馬國亦在茶罕章境內茶罕章即麗江路史籍所見不鮮猶不可詳考焉。

考合刺章茶罕章之得名爲蒙古語元史兀良合台傳「察罕章蓋

白蠻也「合刺章烏蠻也」經世大典敍錄「白蠻譯曰察罕章」烏蠻曰哈刺章「按火原潔華夷譯語「察罕白也」「哈刺黑也」魏源元史語解略「元人以蒙古語命名或取於色察罕白也哈刺黑也」以察罕哈刺爲名者累見於元史馮承鈞之西域地名亦多舉之則察罕章哈刺章之命意爲白與黑此固無可疑者然何以稱之曰章則各家解釋有不同者沙海昂 (A. J. H. Charignon) 注馬可孛羅遊記引拉弗氏 (Lafleur) 說以爲章即戎字之對音此一說也沙氏則以章爲蚌字之對音哈刺章察罕章或即魏略西戎傳之青蚌白蚌此亦一說也伯希和氏交廣印度兩道考謂章即蠻字之蒙古譯音故合刺章即黑蠻察罕章即白蠻此又一說也諸家說各自有理由然以吾人所知合刺章察罕章之名始於元朝征滇之時則章

字之爲戎爲蚺爲爨之對音應考究在當時是否以戎蚺爨名滇地
質言之即當時是否以白戎黑戎或白蚺黑蚺或白爨黑爨稱麗江
及大理之區域果有之則章之爲戎爲蚺爲爨之對音可得而言否
則所用之推測者難於置信戎蚺之名在當時用以稱滇境者未見
於紀錄雖有爨焚軍之名知當時猶有爨之稱然亦未見以白黑之
分而稱麗江及大理者以是言之諸家說自難於成立也然則章字
當爲普通名詞而非特別名詞之譯音也元史稱麗江爲白蠻大理
爲烏蠻則章當蠻字之意譯而蠻字本義用以稱種族引申意爲區
域烏蠻白蠻即有烏蠻區域白蠻區域之意故兀良合台傳曰「察
罕章蓋白蠻也」合刺章烏蠻也「以察罕章合刺章爲地名白蠻
烏蠻亦得爲地名知蠻爲區域之稱章字應爲蒙古語區域之意即

火原潔華夷譯語之札字之對音也何以言之華夷譯語上册地理

門曰「合札兒」地也合字注喉中音兒字聲隨音讀當作 HISSAN

其主要音為札字合札兒省音為札即與章字雙聲韻部亦相近章

音與札較之孳蚡戎之音更相近也又證之華夷譯語下冊譯文詔

阿札失里葉一下 行一誥文葉十三 行一有騰吉里合札兒譯作天地又敕禮部行

移應昌衛葉二十一 下行二敕禮部行移安答納哈出葉二十八 上行四有兀篋都合札刺譯

作迤北地面又詔阿札失里葉二下 行一有兀篋都合札的又葉三下 行二有額木

捏都合札的譯作北方地面的南方地面的又詔阿札失里葉三上 行四敕

禮部行移安答納哈出葉二十四 下行一又葉二十七 上行二有忙豁合札刺直譯作達達地

面意譯作田地裏又敕禮部行移安答納哈出葉二十四 下行四朶脫刺合札刺

敕禮部行移應昌衛葉十八 上行四又葉十八 下行四有朶脫刺都合札的直譯為中原

地形中原地每意譯爲中國中土華夏又敕僧亦鄰真藏卜

葉十一
下行四

有

泰寧合札侖譯作泰寧地面凡此合札刺合札侖合札的其主要之音爲札即言地面或區域推之合刺札即黑地察罕札即白地譯作合刺章察罕章耳黑地白地即黑蠻白蠻地之意此種推測較之釋章字爲戎爲蚺爲爨者合理也

元初稱麗江爲白蠻大理爲烏蠻此爲當時之事實然猶有可討論者伯希和氏交廣印度兩道考疑章字爲爨之對音且以爲即唐之白爨黑爨馮承鈞氏用其說元代白話碑曰「元史之章應爲爨之譯音察罕此言白合刺此言黑茲二種即唐書卷二二二下之烏蠻白蠻」又於西域地名曰「察罕章此言白爨即新唐書之白蠻」合刺章此言黑爨即新唐書之烏蠻」按樊綽雲南志名類第四曰「西

爨白蠻也東爨烏蠻也當天寶中東北至曲靖西南至宣城邑落相望牛馬被野在石城昆川曲軛晉寧喻獻安寧至龍和城謂之西爨在曲靖州彌鹿川升麻川南至步頭謂之東爨唐書南蠻傳同則此烏蠻白蠻之東西爨乃至滇東區域說詳爨部地理考證而不在大理麗江以元之烏白蠻認爲唐之東爨西爨其錯誤顯然也魏源元史新編卷十八大理傳紀世祖所征服蠻部曰烏蠻在滇之東白蠻在滇之西此種解說不惟與元史烏白蠻之區域不合即與唐書烏白蠻之區域亦不相符也

諸家蓋以元史唐書並有烏白蠻而認爲同區域故所說合於唐書則不合於元史合於元史則不合於唐書殊不知前人分別種族輒以白黑東西生熟馴野之形容詞加之豈能以烏蠻白蠻固定於一

區域唐書與元史所稱同名不能認爲同區域也若以爨部之移民謂烏白蠻之稱易其區域則樊綽雲南志曰「閣羅鳳遣昆川城使楊牟利以兵圍脅西爨徙二十餘萬戶於永昌城烏蠻以語音不通多散林谷中故得不徙」又居於大理附近之弄棟蠻青蛤蠻樊志及唐書並稱白蠻是居於大理附近者白蠻也又樊志稱磨蠻施蠻順蠻長禪蠻爲烏蠻則居麗江附近者黑蠻也果元史之烏白蠻即唐書之烏白蠻則當以合刺章稱麗江以察罕章稱大理今何以適得其反雲南民族之遷移同化之跡吾人猶未獲詳考然在元初麗江一帶以摩些族爲多大理一帶以白子族爲多至於爨則研究西南史地者多認爲今之羅羅非用於摩些白子而元史之烏蠻白蠻則以區別摩些白子非用於羅羅則唐書東西爨之烏蠻白蠻當非

元代之察罕章哈刺章兩區之主要民族也然何以元人稱摩些爲白蠻稱白子曰烏蠻則未得其解拉弗氏(Lanfer)疑爲用西藏語然今西藏語稱麗江曰san Dno大理曰khir-luo並無白黑之意若摩些自稱其族曰na-qi意如黑人白子自稱其族曰piy-tso意爲白人疑元人誤用故自稱黑人者爲察罕章自稱白人者爲哈刺章也三鴨赤 鴨赤亦作鴨池又作押赤並音字始見於元史世祖本紀「至元十一年正月以金州招討使欽察率襄陽生熟券軍千人戍鴨池」按亦見兵志曰生券軍六百人熟券軍四百人又「至元十五年十二月鴨池等處招討使欽察所領南征新軍不能自贍者千人命屯田於京兆」又「至元十九年七月征鴨池回軍屯田安西以鈔給之」所稱鴨池在何地文未言之兀良合台傳「憲宗七年征交趾國主陳日昷請內附於是大

饗軍士還軍押赤城將旋師阿朮戰馬五十匹夜爲土刺蠻所掠藏
匿山寨乃親率將士攀岸擣破其巢生擒賊酋盡得前所盜馬千七
百匹乃屠鴨赤城而還知鴨池在中國西南境也世祖本紀至
元二十八年十二月遣官迓雲南鴨池所遣使則鴨池爲雲南境
內之一地名又兀良合台傳曰前次羅部府大酋高昇集諸部兵
拒戰大破於洩可浪山遂進至烏蠻所都押赤城城際滇池三面皆
水既險且堅以礮火攻破之至昆澤擒其國王段興智及渠帥馬合
刺昔以獻按李元陽雲南通志地理志雲南府古蹟曰羅部城在
羅次縣北蠻酋恃險處又漢書及續漢書地理志之益州郡昆澤
縣在今路南說詳漢晉郡縣考釋元初猶有昆澤之稱否不得而知然觀兀良合台
所經路線自西而東若以羅部府在羅次昆澤在路南之解釋爲不

誤則兀良合台「進至烏蠻所都之押赤城城際滇池」者當即今之昆明也前人考證鴨池之位置者不一其說顧祖禹方輿紀要曰「羅部城在羅次縣北押赤在縣東南」清嘉慶一統志卷四七六同是未細讀兀良合台傳之誤陳援庵也里可溫考「引馬可孛羅遊記」至一城名雅赤「注曰」原注謂即大理此不知何人所注蓋未細讀遊記也夏光南元代雲南史地叢考釋「鴨池爲昆陽縣屬臨滇池之古城」則以押赤城城際滇池三面皆水而說之惟趙子元之賽平章德政碑曰「初昆明池口塞水及城市大田廢棄正途壅底公命大理等處行巡勸農使張立道付二千役而決之三年有成」元史張立道傳卷一六七亦曰「昆明池介碧雞金馬之間環五百餘里夏潦暴至必冒城郭立道求泉源所自出役夫丁二千人治之洩其

水得壤地萬餘頃皆爲良田」地理志中慶路昆明縣所載同今之
松花壩南壩開隄隴蜿蜒於昆明平原元初始築前此水無故道潦
及城郭當是事實而據元史本紀及兀良合台傳以憲宗三年冬十
二月克大理王憚秋澗大全集卷五十兀良氏先廟碑銘「其年秋
分兵取附都鄯闡」其年即憲宗四年雲南秋季多雨故進至鴨池
三面皆水也 尤可確證鴨池城即今之昆明者則玉案山筇竹寺
元聖旨碑稱「雲南鴨池城子玉案山筇竹寺」以哈刺章崇聖寺碑
例之鴨池即筇竹寺所在地之名鴨池地理之解釋得有力之證據
焉而鴨池一地名所包區域之大小猶待於討論吾人以元史本
紀至元四年與至元十年兩次紀錄雲南五城之名以鴨池與鄯闡
互異故謂鴨池即鄯闡又據兀良合台傳破鴨池城擒段興智於昆

澤程文海平雲南碑則曰「兀良合台拔鄯闡得興智以獻」亦即以
鄯闡爲鴨赤也馬可孛羅遊記曰「自渡金沙江行五日抵一城爲
國都名曰鴨赤 (Yachin) 城大而名貴工商甚衆」按孛羅至雲南時
也先帖木兒 (Assenテムル) 爲雲南王雲南行省已成立設治於鄯
闡馬可孛羅所謂哈刺章國都名鴨赤者其地即鄯闡也又波斯拉
施特之史記彙編亦曰「哈刺章省會立於鴨赤 (Yachin) 大城」又
曰「契丹西南哈刺章省其都城曰鴨赤」上文釋哈刺章知西方學
者所稱之哈刺章都會必指鄯闡不必疑及大理城也鴨赤旣爲鄯闡
所謂之哈刺章都會必指鄯闡不必疑及大理城也鴨赤旣爲鄯闡
之別名則其區域當不限於昆明一地故馬可孛羅亦以鴨赤爲一
國筇竹寺碑亦稱鴨池城子而不曰鴨池當以鴨池城子爲鴨池境

內之首區也元初之鄯闡即大理國高氏世襲演習按與節度使同之鄯闡區

城元史地理志曰憲宗五年分鄯闡為萬戶四所謂四萬戶府即鄯

闡嵩明巨橋陽城堡後設行省以四萬戶地為中慶路則元初之鴨

赤即中慶也又世祖本紀卷之二十二云大員嘗合順金

何以稱鄯闡為鴨赤前人有說者法國馬斯伯羅 (mas Perro) 以為

此波斯語馬可孛羅用之引見元代雲南史地叢考頁一五一惟馬可孛羅至雲南在至元十

七年至二十六年間而元史紀錄憲宗四年兀良合台征滇至元十

一年賽典赤行省雲南已用鴨赤之名可知馬可孛羅從蒙古人稱

之非波斯語也又日本國鳥居龍藏以為蒙古音益州對音字張星

娘氏中西交通史料匯編第四册亦主此說然益州為漢代地名元

初已未沿用則鴨赤必非益州二字對音也意者鴨赤為 *mosso* 語

蒙古人用之 MOSSO 語稱鄯闡曰 YICH 其意爲南以其境在 MOSSO 之南也音與鴨赤近又與馬可孛羅所用之 JACH 拉施特所用之 YACH 音相近蓋蒙古人用 MOSSO 語馬可孛羅拉施特從蒙古人稱之據木氏宦譜土官阿良將兵從征大理擒段興智功烈在兀良合台之右陞授副元帥是元兵征鄯闡時有 MOSSO 兵進至鄯闡蒙古人以 MOSSO 語 YICH 名其境曰鴨赤此固可能也

四金齒 金齒一名見於元史者至夥其境域亦較明瞭不待多所考證惟以元史世祖本紀載「至元二十二年九月省合刺章金齒二宣撫司爲一治永昌」又明史地理志載「洪武十八年置金齒衛於永昌二十三年升爲金齒軍民指揮使司保山縣本金齒千戶所地」云云故世人多以爲元初之金齒其地即在永昌惟按元史地

理志大理金齒等處宣慰司都元帥府統管大理金齒兩部大理即上下二萬戶府地金齒即六路一睽地而永昌府屬大理下萬戶不屬金齒宣撫司世祖本紀「至元二十八年二月立金齒等處宣慰司都元帥府」猶獨立爲一部時永昌府已屬大理顯知永昌初不爲金齒地後始合金齒大理設都元帥遷治於永昌耳又世祖本紀「至元二十二年九月永昌騰衝二城在緬國金齒間摧圮不可禦敵敕修之」足見永昌騰衝二城非金齒地此二城在大理國時代爲高氏治理應屬合刺章區域而金齒則元兵征服大理國疆域以外之地也明何孟春復永昌府治疏及楊廷和新建永昌府治記並曰「元務遠略創立大理金齒等處宣慰使司都元帥府於銀生崖甸其地不可守移金齒治於永昌仍冒金齒之名其實非也」張志

淳南園漫錄亦曰元人以金齒叛服無常不能鎮守以地近故移治永昌則元初永昌府不爲金齒區域惟以金齒設治永昌故誤爲金齒地耳馬可孛羅遊記曰「大理府西行五日抵一州曰金齒都會名永昌」即以永昌爲金齒之一地明洪武間立金齒衛於永昌府自是以金齒稱永昌也

元代金齒區域蓋滇省西南之廣大區域元史地理志金齒宣撫司有六路一睽見於紀錄者尙不止此地理志曰「憲宗四年平定大理繼征白夷等蠻中統初金齒白夷諸酋各遣子弟朝貢二年立安撫司以統之」按世祖本紀「中統二年八月敕以賀天爵爲金齒等國安撫使庫琳拜副之仍招慰安其民」金齒之設安撫使在中統二年也又世祖本紀「至元十年二月分金齒爲兩路」所謂兩路亦

見於地理志曰「至元八年分金齒白夷爲東西兩路安撫使十二年改西路爲建寧路東路爲鎮康路地理志又曰「至元十五年改安撫使爲宣撫司立六路總管府」所謂六路已詳見於地理志即柔遠范施鎮康鎮西平緬麓川

此外金齒地見於元史地理志者有孟定各甸軍民府

又有孟定路軍民府當一地復見者

孟

愛等甸軍民府木來軍民府木朶路軍民府注並言爲金齒地又水連路軍民府以下蒙光木邦謀粘六難陋麻等其見於紀傳者亦謂金齒地又本紀之銀沙羅甸孟冒路蒙慶甸等亦金齒地凡此並詳說於雲南行省邊境地理考釋足見金齒境域之遼闊然此區域多爲後始收服其初蓋指金齒宣撫司區域也

金齒宣撫司所屬土蠻凡八種曰金齒曰白夷曰焚曰峨昌曰驃曰

解曰渠羅曰比蘇惟以金齒總名者蓋所居以金齒人爲多也金齒名稱之來歷亦饒有興味馬可孛羅遊記第一一九章金齒州曰「離大理府後向西騎行五日抵一州名稱匝兒丹丹」(Zerdandan)

居民是偶像教徒而臣屬大汗都會名稱永昌 (Yochan) 此地之人皆用金飾齒別言之每人齒上用金作套如齒形套於齒上

上下齒皆然男子悉如此婦人則否」拉施特丁史記彙編亦曰金

齒國 (Golden-Teeth) 位於圖伯特 Tibet 按曰藏 及哈刺章之間其人以

金套包齒食時則去之又曰「匝兒丹丹 (Zerdandan) 其人用金飾

齒故曰金齒」按馬可孛羅遊記沙海昂注引克來孛羅斯 (Klappr

oth) 說曰「匝兒丹丹即波斯語 Zerdandan 之對音其意爲金齒」故

遊記在 Zerdandan 下注「即金齒」此說以拉施特兩次紀錄證之

可以確信而其地以種族得名種族所以名金齒則以其人金套飾
齒元史地理金齒等處宣撫司下曰「夷樓居無城郭或漆齒或金
齒故俗呼金齒蠻」亦謂其俗以金飾齒名族今永昌附近土人無
金套齒之習惟馬可孛羅則記之甚確又樊綽雲南志卷四曰「黑
齒蠻金齒蠻銀齒蠻繡腳蠻繡面蠻並在永昌開南雜種也黑齒蠻
以漆漆其齒金齒蠻以金縷片裹其齒銀齒蠻以銀
按此五字依太平御覽
卷七八九引南夷記補有
事出見人則以此爲飾寢食則去之」新唐書南蠻傳亦曰「姚州境
有永昌蠻居古永昌郡地羣蠻種類多不可記有黑齒金齒銀齒三
種見人以漆及鏤金銀飾齒寢食則去之」則唐已有此習也惟按
華陽國志南中志永昌郡後漢書西南夷傳哀牢傳太平御覽引永
昌郡傳並記其地之風俗而無金縷飾齒之說則此俗六朝以後始

有又洪武間錢古訓之百夷傳萬曆間朱孟震本西南夷風土記敘其境之風俗無一語道及引人注意之金套飾齒之習知其時已未流行則明清間如李元陽陸次雲諸人記金齒之習乃傳聞往事耳何孟春復永昌府治疏有曰「其夷歿後金鑲二齒而葬故因得名」孟春以正德間巡撫雲南蓋其時已無金套飾齒之俗猶以故事飾死者然今亦未聞此俗也

五赤禿哥兒 元史兀良合台傳曰「鬼蠻即赤禿哥國也」火原潔華夷譯語「鬼赤惕科兒」按譯語凡例「惕字急讀帶音」又兒爲附音故蒙古語鬼字緩讀爲赤惕科兒亦作赤禿哥兒急讀則爲赤科世祖本紀至元四年十年並載雲南五處之名赤禿哥兒與赤科互異實一地也經世大典敍錄政典征伐有赤土哥塞亦赤禿哥也

兀良合台傳「擒段興智於昆澤進至乾德哥城又攻赤禿哥山寨

乘勝擊破魯廝國塔渾城」按昆澤疑在今路南乾德哥城沙海昂

以爲即澂江府見馬可李羅遊記注魯廝疑羅施音字蓋兀良合台自鄯闡東征至

赤禿哥兒其地應在雲南之東北明一統志鄭曉今言明史土司傳

並曰「貴州古羅施鬼國」鬼國即赤禿哥兒即在今之貴州也赤禿

哥兒元史多作鬼國或鬼蠻亦作羅施鬼國或羅氏鬼國又作羅甸

或羅殿明田汝成行邊紀聞蠻夷條記貴州土族曰「羅羅俗尙鬼

故又曰羅鬼」則羅國以羅鬼得名包汝楫南中紀聞曰「貴州夷俗

能變鬼法所謂羅刹鬼國」此又一說也貴州境內土族龐雜羅鬼

僅其一部黃元治黔中雜記曰「苗非一類若羅鬼若玃猪若黑苗

白苗花苗若察家龍家子仲家子玃猪有五種羅鬼亦分白黑裸僣

二種其最桀驁不馴者羅鬼諸苗莫不畏憚尊奉之」前人記貴州

土族種類之多者如黔苗圖說有八十二種李宗昉黔記九十一種

貴州通志四十四種羅鬼為其中之一以其性悍而喜鬪屠戮相尋

故其兵常為諸苗冠見行邊紀聞強據一方爭長相雄其他諸族不免為其

所統治故羅鬼之名獨顯也 元世祖本紀「中統四年八月置元

帥府於大理命昔撒昔總制鬼國大理兩路」此鬼國大理二名蓋

廣義大理包有今雲南境內各部而鬼國則指今貴州區域明萬士

和烏撒詩曰「干羽未能馴鬼國祇貪關市中鹽茶」姚之驥元明紀事類引鬼國亦

指貴州一帶也

元史世祖本紀「至元十五年閏十一月羅氏鬼國主阿榨韋昌盛

各為其地安撫使佩虎符」經世大典敍錄政典招捕「至元十五年

羅殿國主阿察河中府方番主韋昌盛皆納土來降」二書所載爲一事而羅氏鬼國與羅殿國異名當爲一地惟亦有區別者大典敍錄記至元十七年之亂曰「羅氏國主阿察初已款納後與鬼國結婚鬼國言我未降汝奈何先降羅氏遂毀虎符以叛」羅氏又名羅殿則羅氏與鬼國爲一地兀良合台傳稱克赤禿哥山寨乘勝擊破魯斯國亦分二地惟元史世祖紀「至元十七年三月招討羅氏鬼國」又「九月羅氏鬼國主阿察及阿里降」又「十二月羅氏鬼國土寇爲患」又「十八年二月羅氏鬼國違者令國主阿利具以名聞」又「十九年二月忙古帶征羅氏鬼國還」並以羅氏鬼國合而稱之蓋羅氏與鬼國爲聯邦也 又至元十五年之歸附頭目元史有阿榨大典敍錄有阿察敍錄又載至元十七年八月二十九日阿察遣

阿榨阿麻二人至四川諸蠻夷部宣慰是阿榨爲阿察部屬而元史以爲國主者豈以阿榨爲鬼國主阿察爲羅氏主相率入降故元史與大典所載互異也

羅氏鬼國後屬順元路顧祖禹讀史方輿紀要卷一二一引貴州通志曰「貴陽軍民府元初爲羅甸鬼國尋改羅甸軍民府安撫司至元十六年改順元軍民安撫司二十年於司治北增置亦奚不薛總管府二十四年復增置順元路并貴州於司治內以統降附者」按元史地理志湖廣省順元等路軍民安撫司至元二十年設貴州等處屬順元路曰「大德六年右丞劉深將兵征八百媳婦由順元往雲南至貴州科夫宋隆濟糾合諸蠻爲亂水東水西羅鬼諸蠻皆叛」元史本紀載宋隆濟之亂不言羅鬼惟劉國傑傳曰「大德五年朝

廷以右丞劉深言興師征八百媳婦國所過邊民不堪蹂躪于是羅鬼女酋跔節及獠官宋隆濟叛遮劉深兵圍貴州「據經世大典敍錄政典招捕宋隆濟爲雍真葛蠻土官跔節爲水西土官之妻讀史方輿紀要曰「乖西蠻夷長官司在貴陽府東北百五十里元置雍真乖西葛蠻等處蠻夷軍民長官司開州廣順州並本水西地又「水東長官司在貴陽府北三里元置水東峇長官司」是宋隆濟跔節所據並貴陽府屬之地則貴州通志謂貴陽府爲元之羅甸國當爲可信

與順元密爾者爲八番羅甸亦八番之一部茲附說之宋史蠻夷傳「黔州涪州徼外其西南夷部漢牂牁郡唐南寧州牂牁昆明東謝西趙哀州諸蠻也宋初以來有龍番方番張番石番羅番號五姓番

皆嘗奉貢職受爵命元豐七年西南程番乞貢方物願以五姓番例
注籍從之元符二年又有牟韋番入貢諸番部族數千獨五姓最著
程番韋番比附五姓故號西南七番」是初有五番七番之目 經
世大典敍錄政典招捕 「至元十六年三月西南八番等國臥龍番
主龍昌寧大龍番主龍延三小龍番主龍延萬武勝軍番主程延隨
遏蠻軍番主龍羅獨永勝軍番主洪延暢淨海軍盧番主盧延陵皆
來降其部曲有龍文貌龍章珍黃延顯盧文錦龍延細延回龍四海
龍助法龍零龍文求等朝廷立八番宣慰使司」元史地理志湖廣
省曰「至元十六年潭州行省遣兩淮招討司經歷劉繼昌招降西
南諸番以龍方零爲小龍番靜蠻軍安撫使龍文求臥龍番南寧州
安撫使龍延三大龍番應天府安撫使程延隨程番武勝軍安撫使

洪延暢洪番永盛軍安撫使韋昌盛方番河中府安撫使石延異石番太平軍安撫使盧延陵盧番靜海軍安撫使並懷遠大將軍虎符仍以兵三千戍之。雖稱八番已有九部九部設安撫使亦見元史百官志而地理志八番蠻夷長官凡十有二明史地理志貴陽府定番州所屬長官司十六土司傳長官司十七傳維麟明書地理志長官司十八蓋部落後愈增多也。諸書所載之羅番遏蠻軍即羅甸國羅甸即羅氏鬼國安撫使羅阿資疑即經世大典敘錄之羅阿察察音與資近也以方輿紀要及貴州通志所載之士司疆域考之順元在貴陽以北八番在貴陽以南其地相接故羅氏鬼國既屬順元又列於八番也。

羅氏鬼國爲元良合台所征服爲雲南五城之一後設雲南王府雲

南行省並管理之而地理志以順元八番並隸湖廣行省按世祖本紀「至元二十九年正月雲南行中書省言羅甸歸附後改普安府隸雲南省三十餘年今創羅甸安撫司隸湖南省不便乞罷之仍以其地隸雲南省制曰可」又「三月羅甸還隸雲南以八番羅甸宣慰使幹羅思等並爲八番順元等處宣慰使都元帥佩虎符」羅甸自元憲宗四年歸附迄至元二十九年已三十有八年屬雲南統治成宗本紀「大德元年八月八番順元等處初隸湖廣後改隸雲南雲南戍兵不至其屯駐舊軍逃亡者衆仍命湖廣省遣軍代之」八番順元始改隸湖廣而地理志湖廣省八番順元蠻夷官下曰「至元十六年潭州行省按潭州至元十三年立行省十八年遷鄂州遣劉繼昌招降西南諸番二十八年從楊勝請割八番洞蠻自四川行省隸湖廣行省」四川疑即雲南

之誤且是年八番自湖廣改隸雲南仍屬湖廣乃大德元年事地理志誤也至元二十八年羅甸改隸湖廣之說亦見地理志惟未成事實其經過見地理志雲南省普定路下與本紀同而加詳成宗本紀「大德七年十月改普定府爲路隸曲靖宣慰司以故知府容苴妻適姑爲總管佩虎符」此說亦見地理普定路下按普定爲羅甸國之一部或即八番順元之一部大德元年以八番順元還隸湖廣而普定路仍屬雲南者豈以普定一區久屬雲南而不改乎抑羅甸國旣屬雲南又屬湖廣乎地理志未明白言之方輿紀要卷一二三普定衛軍民使司下引貴州通志曰「唐爲羅甸蠻地後爲羅鬼狃獠可剽苗民所居號普里部元初置普定萬戶尋改爲府至元中又創直羅甸宣慰司於此二十七年罷司仍爲普定府領安順永寧鎮寧

集安四州」普定路在貴陽之西普安之東與八番順元接壤蓋後以其地併入八番順元也

上文所述元初所謂赤禿哥兒之鬼國不能確定其疆域之大小鬼國與羅氏爲一地抑爲二地而羅甸國是否統率羅鬼及其他族不獲詳知又順元八番普定三部當各有盟主爲羅甸所統率否亦不獲其詳而此區域數十部落分布之區域不明故吾人雖知元初之鬼國在八番順元普定區域然鬼國一名所包之疆域則難確知也

元兵既征服西南未設郡縣之初分五部治理蓋以大理國直屬之地按略等於八府四郡爲合刺章其羈縻地按三十七部地爲鴨赤摩些地按木氏治理之地爲察罕章白衣地爲金齒八番地爲赤禿哥兒此五城初爲獨立或半獨立故以原有之疆域而治理之若羅羅斯烏撒烏蒙廣

南西道車里八百木邦緬甸諸地亦屬雲南行省非五故城地
然後始收復故元初以五城著焉

十九萬戶府

兀良合台既征服大理國即有設置郡縣之議秋澗大全集卷五十
兀良氏先廟碑曰「以雲南平定遣使獻捷於朝且請曰西南夷漢
嘗郡縣之設官料民俾同內地此其時也允焉」按元史兀良合台傳
事在憲宗六年丙辰而憲宗

以兀良合台為大元帥鎮大理按憲宗七年後復有昔撒昔按中統四年也先按至元元年

寶合丁按至元八年阿魯忒兒按至元八年先後以都元帥統制雲南故有萬戶千戶

百戶之設迨至元十一年賽典赤行省雲南始改萬戶千戶置令長

復定諸路名號於是易軍區為政治區 其未設行省以前之制度

諸家紀錄所未詳然行省之路府州縣即因萬戶千戶百戶所改置

而萬戶千戶百戶則因元代以前之政區或部落分置之故萬戶千戶百戶之建置有關於雲南地理沿革者甚巨故爲此篇彙錄之

元史地理志雲南行省曰「憲宗五年立萬戶府十有九」所謂十

九萬戶府者見於地理志中慶路曰「分鄯闡爲萬戶府四蓋以鄯

闡地置四萬戶其一當爲鄯闡萬戶李元陽雲南通志曰元初置鄯闡萬戶府餘則嵩明州曰「元

憲宗六年立嵩明萬戶」晉甯州曰「元憲宗七年立陽城堡萬戶」

昆陽州曰「元憲宗五年立巨橋萬戶」此四萬戶後爲中慶路地

又大理路曰「元憲宗六年立上下二萬戶」即大理上萬戶按大理以北之地屬之

與大理下萬戶按大理以南之地屬之威楚路曰「元憲宗六年立威楚萬戶」此三

萬戶爲合刺章地 又武定路曰「羅婺爲部名元憲宗七年立萬

戶」普安路曰「元憲宗七年立于矢萬戶」仁德府曰「憲宗六年立

爲仁德萬戶」此三萬戶至元八年設北路總管府見武定路下又魏源元史

新編曰「東川路號閩畔部元初置萬戶此說見明一統志元史

地理志則東川路注闕惟會川路曰「憲宗八年隸閩畔萬戶」是知

元初有閩畔萬戶其地則在烏撒烏蒙部落也 又元史地理志曲

靖路曰「憲宗六年立磨彌萬戶」澂江路曰「元憲宗六年以羅伽

爲萬戶」路南州曰「名落蒙部憲宗朝立萬戶」此三萬戶至元八

年設中路總管府見路南州下又臨安路曰「阿楚部蠻居之元憲宗六年

爲萬戶」此萬戶府即大理國秀山郡地至元八年設南路總管府

又寧州曰「寧部蠻世居之憲宗四年其酋長菩提內附就居此城

爲萬戶」元江路馬籠步曰「初屬寧州萬戶至元十二年按十二年當誤改隸

元江萬戶」則有元江萬戶之設景泰雲南志曰憲宗六年立元江萬戶 又景泰雲南志阿迷

州曰「元初立阿寧萬戶」李元陽雲南通志落恐甸曰「元置軍民萬戶」此二萬戶未見於元志惟景泰李志當有所本而寧州元江阿寧落恐四萬戶以地理言與阿楚萬戶近疑至元八年併於南路總管府也景泰雲南志曰阿寧萬戶府後撥屬南路總管府

凡此十九萬戶其地大都在大理國八府四郡三十七部之地即元初所謂五城之合刺章鴨赤二區域而察罕章金齒赤禿哥兒未與焉蓋初平雲南以大理故土遼廓分萬戶治之而察罕章等地則視爲一部而已萬戶府以下設千戶所百戶所以統率之其境較萬戶爲小故記地理沿革者所未詳今已難於悉舉茲用元志及景泰雲南志李元陽雲南通志諸書所載者列之並注設行省後之改置於以見大理國建置與元代雲南行省因革之跡焉

鄯闐萬戶府 憲宗五年立後
改爲中慶路

昆明二千戶 憲宗四年立後改
善州又爲昆明縣

黎灑千戶 至元四年立後
改爲富民縣

通海千戶 元初立後改爲通
海縣屬臨安路

陽城堡萬戶府 憲宗七年立後
改爲晉甯州

呈貢千戶 憲宗六年立後
改爲呈貢縣

安甯千戶 至元三年立後
改爲安甯州

巨橋萬戶府 憲宗時立後
改爲昆陽州

澗門千戶 憲宗四年立後
改爲易門縣

嵩明萬戶府 憲宗六年立後改爲
嵩明府又降爲州

羊林千戶 憲宗七年立後
改爲羊林縣

邵甸千戶

憲宗七年立後
改爲邵甸縣

太池千戶

憲宗六年立後改爲
宜良州又改爲縣

大理上萬戶府

憲宗六年立大理上下
二萬戶後併爲大理路

太和上中下三千戶

憲宗七年立後以中千戶改爲
錄事司上下二千戶立太和縣

永平千戶

憲宗七年立後
改爲永平縣

德源千戶

憲宗七年立後
改爲鄧州

浪穹千戶

憲宗七年立後
改爲浪穹縣

蒙舍千戶

憲宗七年立後改爲蒙化
府又爲路復降爲州

謀統二千戶

憲宗七年立後改爲
鶴州又爲鶴慶路

義督千戶

憲宗七年立後
改爲劍川州

騰衝千戶

元初立後改爲騰
衝州又陞爲府

永昌三千戶

憲宗七年立後改永昌州又陞為府

大理下萬戶府

憲宗六年立後改為大理路

趙臉千戶

憲宗七年立後改為趙州

統矢千戶

憲宗七年立後改為姚州復陞為路

大姚堡千戶

憲宗七年立後改為大姚縣

品甸千戶

憲宗七年立後改為雲南州又為縣

威楚路萬戶府

憲宗六年立後改為威楚路

牟州千戶

憲宗四年立後改為定遠縣

黃篷窰百戶

憲宗四年立後改為南甯縣又降為鄉

欠舍千戶

憲宗七年立後改為鎮南州

石鼓百戶

憲宗七年立後改為石鼓縣又降為鄉

摩芻千戶 憲宗時立後
改為南寧州

路睽千戶 憲宗七年立後
改為廣通縣

威楚千戶 元初立後改
為威楚縣

礪嘉千戶 至元間立後
改為礪嘉縣

羅婺萬戶府 憲宗七年立後改為北路
總管府又改為武定路

仁德萬戶府 憲宗六年立後
改為仁德府

于矢萬戶府 憲宗七年立後
改為普安路

幽畔萬戶府 元初立後改
為東川路

磨彌萬戶府 憲宗六年立後改為中路
總管府又改為曲靖路

石城千戶 憲宗六年立後改為
南甯州又降為縣

普磨千戶 憲宗六年立
後改為越州

納垢千戶 元初立後改
為馬龍州

易龍百戶 元初立後改
為通泉縣

羅伽萬戶府 憲宗六年立後
改為激江路

羅伽千戶 元初立後改
為河陽縣

江川千戶 元初立後改為江
川州又降為縣

溫富千戶 元初立後改
為新興州

普舍千戶 元初立後改
為普舍縣

研和百戶 元初立後改
為研和縣

強宗千戶 元初立後改
為陽宗縣

部傍千戶 元初立後改
為休納縣

洛蒙萬戶府 憲宗朝立後改為中路
總管府又改為路南州

落溫千戶

憲宗三年立後
改為陸涼州

師宗千戶

元初立後改總
把又為師宗州

彌勒千戶

元初立後改總
把又為彌勒州

阿剌萬戶府

憲宗七年立後改為南路
總管府又改為臨安路

目則千戶

憲宗七年立後
改為蒙自縣

捨資千戶

元初立後改為安
南道防送軍千戶

建水千戶

元初立後改
為建水州

寧州萬戶府

憲宗四年立
後改為寧州

嶧峨千戶

元初立後改
為嶧峨縣

馬龍步千戶

元初立後
屬元江路

他郎步二千戶

元初立後
屬元江路

元江萬戶府 憲宗四年立後改爲元江路

阿寧萬戶府 元初立後隸臨安宣慰司

納樓余甸千戶 元初立後改屬鄯闡宣慰司

維摩千戶 至元間立後改爲維摩州屬廣西路

落恐萬戶府 憲宗六年立後屬臨安路

溪落副萬戶 元初立後改長官司

元明清雲南省建置考

元史賽典赤瞻思丁傳「帝謂賽典赤曰雲南朕嘗觀歷比因委任失宜使遠人不安欲選謹厚者撫治之無如卿者賽典赤受命退朝即訪求知雲南地理者畫其山川城郭驛舍軍屯夷險遠近爲圖以進帝大悅遂拜平章政事行省雲南」又本紀「至元十年閏六月

丙子以平章政事賽典赤行省雲南。蓋自賽典赤至雲南始開設

行省也。而賽典赤之受命本紀載至元十年。愛魯傳亦曰至元十年本傳在十一年

百官志亦曰至元十一年紀年互異。惟趙子元賽平章德政碑郭松年中慶路大成廟

記何弘佐中慶路學禮樂記並曰在至元甲戌。又賽平章碑曰是

歲七月抵大理。則十年閏六月拜命十一年七月始至雲南。既至

革萬戶千戶為郡縣。本傳曰至元十二年奏哈刺章雲南壤地均

也。而州縣皆以萬戶千戶主之。宜改置令長從之。本紀亦曰至

元十二年正月乙亥雲南置郡縣。尹長選廉能任之。郡縣既立。乃

定名號。本紀至元十三年正月丁亥雲南行省賽典赤以改定諸

路名號。來上。按說亦見本傳蓋雲南地名多用土語譯音。至是其名不雅馴者

大都改易也。按地名因革詳見地理志既成立行省所設郡縣時有損益。如本紀至元

二十二年五月丙子併省雲南州郡又二十六年四月甲戌省雲

南大理中慶等路州縣按州縣置裁詳見地理志故建置之數亦每不同且邊區遼遠

設治尤多更易紀錄亦或不詳諸家所紀錄頗未一致元史本紀曰

「至元三十一年四月己酉雲南行省以所定路府州縣來上上路

二下路十一州四十九中縣一下縣五十」程文海世祖平雲南碑

則曰「列為郡縣凡總府三十七散府八州六十縣五十甸部寨六

十一」又元史地理志曰「雲南諸路中書行省為路三十七府二屬

府三按百官志亦曰雲南行省統有二十七路五府屬州五十四屬縣四十七其餘甸寨軍民等府不

在此數「魏源柯劭忒先後摭補地理志未載而散見於紀傳者其

數乃增新元史地理志曰「雲南諸路行中書省領路四十三府七

屬府三屬州五十屬縣五十三甸寨軍民等府不在此數」諸書異

同蓋因時代之先後與紀錄之詳略使然也

明既敗梁王諸路降服洪武十五年春改雲南行省爲雲南等處承

宣布政使司領諸州縣司置都指揮使司領諸衛所置提刑按察司

分巡四道兼察諸府州縣司衛所並稱三司按見李元陽雲南通志卷一所設府州亦時

有增廢按詳見地理志邊區羈縻紀載或略如明一統志滇略不詳邊境地理故所記建置之數亦每

不一致景泰雲南圖經志書曰「雲南布政司直隸府州凡二十九

外夷府州司凡一十七都指揮使司直隸衛所共二十五處按察使

司分四道」明一統志曰「雲南布政使司領府十二軍民府八州二

長官司一禦夷府二宣慰司八宣撫司三州四長官司五都指揮使

司領衛十八軍民指揮使司二守禦千戶所七提刑按察司分四道

周洪謨雲南巡撫都御臺記曰「爲府者二十有一爲州者三十

有八爲縣者三十有三爲宣慰司者五爲宣撫司者三爲長官司者十七爲衛者十六爲軍指揮使司三爲守禦千戶所六。彭綱雲南總志序曰：「凡爲府若州十有三爲軍民府七爲軍民指揮司二爲衛若州禦所二十有四而外夷宣慰宣撫長官等司府州又十有九。」李元陽雲南通志曰：「雲南布政司領府十二軍民府八州二長官司一其羈縻則爲府二宣慰司六宣撫司三州四長官司二都指揮使司領衛二十守禦千戶所八分隸於衛守禦千戶所八州一。」謝肇淛滇略曰：「雲南布政使司領府二十州三十六縣三十二而羈縻不與焉。」明史地理志曰：「洪武十五年二月乙卯置雲南布政使司領府五十八州七十五縣五十五蠻部六後領府十九禦夷府二州四十禦夷府三縣三十宣慰司八宣撫司四安撫司五長官

司三十三禦夷長官司二 諸家記數頗不一致亦因時代之先後
與紀錄之詳略使然也

清順治十六年收雲南入版圖分邑置州各如舊制尋裁州縣或增

置改隸按詳見清修諸家通志建置志時有更易諸家所紀亦不一致雍正雲南通志曰

共置府二十三直隸同知一領州三十一土府一土州一隸雲南布

政司清文獻通考曰 雲南布政司凡領府十四直隸州四直隸廳

三嘉慶一統志曰 雲南省共領府十四直隸州四直隸廳四按以上紀錄土

司府州司並不在內清史稿地理志曰 雲南領府一十四直隸廳六直隸州三廳

十二州二十六縣四十一又土府州三土司十八 所載不同亦時

代先後與紀錄詳略使然也

雲南省之疆域元史地理志曰 東至普安路之橫山西至緬甸之

江頭城凡三千九里而遠南至臨安路之鹿滄江北至羅羅斯之大
渡河凡四千里而近一 至明代則以羅羅斯烏撒烏蒙諸路改隸四
川普安普定諸路改隸貴州其東北境並已削減明史地理志記雲
南疆域曰「北至永寧與四川界東至富州與廣西界西至平崖與
西番界按平崖以西尚有土司地此誤南至木邦與交趾界按木邦爲老撾之誤清初又以烏蒙之地歸屬
雲南而雲南巡撫兼建昌即羅羅斯地畢節即烏撒地等處贊理軍務則所轄境又
幾與元代等也 在此疆域之建置歷元明清三朝雖多改易亦相
沿襲既錄於諸史志之建置其因革可以概見無待詳考茲惟就其
大體錄之沿邊諸土司地則別爲一篇焉